

Atur Naka Ekanisa Loka Suatira

Jeffersonville, Indiana, U.S.A.

60-1208

1 Kwana atibong na ijai oni...naperoko oni elomaria toma atur na nakapolon naka ekanisa...Amuno eong-eong ebe ebukuni Ejakaitiwok Ekemoyo mamawok...kosodi aisirereng oni bobo. Ido ipedori bon oni atironoro akiro nukapolok kwana naarai, kotoma akirosit nakapolon naebunit koingaren, ti oni ijaun ne adaun esabiiti kere. Ido, oo, akuar natubor kipou ajautos kede apak nakaibuses kwape kangin!

Eebo, kwana eringa ber oni kesioma Nuiwadikaere, oni ipedori aijulakin awoko-awokoboisit adaun idakikan idis kasodete aibwo kanuka akirot naka ailip:

2 Papakosi Lokasianut lokotoma Akuj, ilomuni isio Kokiror loilosikina kere loka Ejakait Yesu, kajenete ebe ibuni Ijo. ido itamit isio aisikapikin itauon luka itunga kanu aijaun apukokinio nakapolon ebe irai Ijo Okoku lokajaran loka Edeke; mam etwanit, konye ejari apaarasia kere; ido kojari kokanisaKon kwape ajenanut naka Pentekosit, naka apak kangin nakapolon neabunio apak naka aisikwarunio kotoma Akonyen nuka Ejakait. Iyalama isio noi ainumunum apakio ngun kokwap kane akaulo naka ikar elukumit akwatakanyaongon.

Ido, Papa, kituluri isio akosikwes kaiyapaara kanuka ajaikin ayongio neejaas ikiliok lu anatar aturio kere, aacer ngun nuabu Ijo kitingite kakaniKon, nuibala Ijo ebe araas, "imalaikan luka Aturio nuka Ekanisa," ijaankinak. Eipone lokisialamikinitor isio Ijo kanuka Paul Lokalaunan, loka Epeso. Eipone lokisialamukinitor isio Ijo kanuka Irenaeus, Wu Ejakait, Irenaeus ebulesitiKon lokaumokin; ido kanuka Martin Lokalaunan; ido atibong na kanuka Columba Lokalaunan. Ejakait, eipone lokisialamikinitor isio Ijo kanuka ikiliok kalu. Kakidingos naka Eromayone loiriono, ekapirione elomuni okanisa, apotu kesi kobwoata katiting kanuka Aisiraret naka Pentekosit ka aerereng, eiener kotoma angajepa ka-ka aanyununeta nukapolok ka nukaumokin, aitangalio naka lukadekak ka aitajarunun lukatwak.

3 Luipu kotoma kakesi, Ejakait, aponi konyilinyilai, ka aiar, kosodete aitania ingatunyo; apotu iboro lukapolok kiswmaununos. Ilongara akwap kede aokot nuka ikadolitok. Ido, Papa, iworote akeceokot lolo neejai ekanisa ngol lokaronon, lodote. Ido ibala Ijo ebe, acepak neabu Ijo kobukuna... "Abu Emalaika kobuk aketany mamake, kosodete adumun aokot nuka ikadolitok luaponi koarai kotomake."

Ejakait, kingarakinai isio ajaun...akapakina aibwo kwana, naarai ejai apak agolokin. Kwape kisesenia etiang loka amumwar aarei elomuni kotoma akwap, mere kotoma apues ka isipanin luka itunga, "Kede amumwar bala nuka imerekek, konye enera bala apiu." Iyuunit ebe eapie apak ngin kwana, Papa, nakianyunia isio ikanisan lu ejaas amorinikin nepepe, "Aiswamaikin etiang aput"; ido ebuni araut naetiono neejai atukos ngin, Ejakait, namam ebuni alomar. Ebuni angerio abunore, konye kotoma osawa kangol abu Ijo kisumunikite aangar Ekanisakon. Kingarakinai isio Ejakai.

4 Eroko alimakinnet adiopet naka akipi edouna, adaunit Noa alomar ataker. Eroko akim kinoma Sodom, adaunit Lot anyoun. Papa, iyuunit isio, eroko apedor naka iboomun ebwangara akwap na aiwelewelar, kodaunite Ekanisa anyoun. Iyalama isio noi, Ejakait. Ido, ijeni ebe ikajas iboomun kotoma aikajeta, atibong na.

Ido ipedori isio asesen toma Akuj kosodete aanyun Okoku loka etunganan enyouni koicolongoKe ageun abunore lailo akwap kanuka Aurupoorio naka Ekanisake, ido ijeni ebe mam Akekejen nuketiai etirorete akwap na nakaronis kotoma apak kangin; naarai kwape abu Rebeka kibwanena akala kosodi asomar awai kama ejai akala, cut kakidingos naka etogo loka Aburaam, kokinga komanikor abu ngesi kiriamunos ka eteranike. Wu Edeke, ido ebuni Ekanisa ariamun Eteraniwok kotoma apak, "Naarai oni lukijari ido asalakinitos mam itukurwori arai aitokokoli ngul luejotoete. Eruikini arupepe naka Edeke, lukatwak kotoma Kristo kes egeunete ajarun, ido kidakario oni kere nepepe kakes ariamun ka Ejakait (kotoma omanikor) kotoma apak, kasodete ajaun ka Nges apaarasia kere."

Oo, kingarakinai isio, Ejakait. Koinakinai isio ajijim naka Emoyokosi, kosodi alemar adwaris kere ka eijalijal awai kamakosi, ido eliaros isio kede Emoyo Lokalaunan. Kipuga Emalaika loka Edeke atibong na.

Ejakait, mam eong ajeni nulimokina itunga lu. Kwana, kijaar eong akiro nukolo ka iboro iwadikatai ne luka nuibu Ijo kiswamate, konye eyangaikini Ijo kanu aijul nuka oingaren, aso elipit eong ebe kiinakini Ijo Kokiror loka Yesu Kristo. Amen.

5 Kwana apukosi ber oni Eitabo loka Apukokinio. Ido ijai oni atibong na toma atur naka ekanisa loka... atur nakiwongonet naka ekanisa, Suatira, atur naka ekanisa naejena kwape Atur naka Amuton. Egeuni atur na naka ekanisa kokar 606 kosodi angetakin kokar 1520. Eong...Nuabu eong apedo aswam, nges asekun ngin. Ikasiomak luipu eyangarito-eyangarito Lokalaunan Patrick araut aacerit arai e...nginidiopet...

Aacer akanykaarei, "imalaikan ikanykaarei" luka Aturio Akanykaarei nuka Ekanisa. Ijeni oni akuar naka moi, komam abuonokin, Luther; ka Wesley. Mam oni ijeni loebuni araun aacerit naka ekanisa loka Laodikia. erai...Ijai oni toma atur kwana, ajaun ageun 1906 kotoma ageunet naka Pentekosit. Konye ebuni ajaun emalaika loenyouni loebuni aisiarar awai aisisianakineta kere, alemun Ekanisa akapakin alosit Ore. Kwana,

ekapolon ece loka-loka...kotoma Omoyo, ebuni anyoun kede aanyununeta ka nukaumokin. Kwana, elipit eong kingarakini oni Edeke ajenun nu.

6 Kotoma asekun nu, asesen anatar, arai Lokalaunan Patrick ekesa lokaumokin. Ido alemun ace kotoma aiwadikaeta nukolosek, mam Lokalaunan Patrick arai Etulikit. Abu ngesi kitepeg ekanisa loka Atulik. Ido kotoma apak naka Aisikwarunio, aisisianakin ngin najaatar kesi aponi kobokunai kosodete aitogogong ebe etepegit Lokalaunan Patrick ekanisa loka Atulik. Ebe...Lokalaunan Patrick asubit noi bala etunganan loka erionget, ajaatar ngesi ekesomero. Abu ber ngesi nasodit...nakekamarere nges kariri naka angolol, nges ka akenacan aarei numam nges abu kiira nukec bobo. Aponi koyangarai kes, aticepak Rome kosodete agwelar kwape abulesin. Aponi ngesi da koangarai kosodete agwelar kwape ebulesit kosodete ainakin aswam naka ajok ipegei.

7 Abu ngesi itutuo ingwoko kanu aidar-aidar ikepegei, kaceda; ido apote kesi kotoma oirem loagelegela ka iboro loabu ngesi koinakinite ingwoko. Ido abu ngin awasia koraun ewai loka aisiike, kokwap naka ataker, neapotu ingwoko korapiarata nges kiton nges alomar toma angalolo. Ekaulo abu kodol aiboisitike naminat, Ireland, kosodi adumun totoke ka papa eroko ejarete. Ido arai Lokalaunan Patrick e-ecen loka Martin Lokalaunan.

Loarai, ediopet kalukapolok luianyunitor oni kotoma okokoro loka itunga ageun apaarasia nuka Yesu Kristo, arai Martin Lokalaunan. Ikekanisan kere elelebas kede Emoyo Lokalaunan, eneras kere kotoma angajepa, ajaatar aanyununeta ka nukaumokin, ka nukapedor iswamasi. Aricit ngesi Aiyuun naka Pentekosit kakidingos naka atur naka ekanisa kangol loajai adukokin kede Etulikane; ekapirione ka Inikolain edukokinos nepepe, aismamaun erionget. Kosodi aitarau Inikolain...Luinyarit oni kes Nicko, akepolou "aipikor." "Aipikor arai aibiror luemamei adoketait kokanisa," ka alemar Emoyo Lokalaunan awai kama ejai esipan, ido ebe, "esasedoti bon elaunit, etunganan." Ianyu? Kosodete do kesi aijar eipone edio loekototor, aomit eong, ido bon ebe ilimori ijo neejai esasedoti. Aso kes...

8 Abu eong adum akuar natubor, ebe-ebe apotu kesi kosiponokisi ngul, ebe Constantine nges asipokini ekaanyanaran losodit, kosodi aibwaikin ngol...ainanakin adukena neejaas ngul, kwape kiinakinia yes apaarasia ka nginibore kere yenijaatar yesi. Kosodi do ajaatar kesi epucit lokapolon loka akolong ngina, loarai 21 olap Lokitomonet ka luarei, apaaran naeuriana kakere kokaru. Kosodete do aitolomun aingal na, kwape araar, ebe, arai Ngesi "apaaran naka akolong." Itei ijo, apaaran naka aurio naka edeke lokolong, apotu koyangautu aurio naka Yesu Kristo anyoun olap Lokiwongonet kiton olap Lokitomonet ka luarei 25.

Olap Lokitomonet ka luarei 25. Kotoma apaarasia kangun akany kes apotu Iromayon kojaatar kede apucitikec lokapolon, ka aboliasio, kaceda, ido kotoma apak ngin nges ajaatar kesi kede epucit lo lokapirit. Kosodete aibwaikin etunganan lo kwape edeke elopet kokuju kangina, kosodete aitanap nges ka nginibore kere. Ido ajaatar do kesi ekecedeke cut kakes. Kosodi e...nen nges atakanuniata itunga luabalas ebe apugan naka ikar elukumit, kanepakanen, naarai aomitos ebe ajai ekanisa toma Apugan naka Ikar Elukumit kangina. Itei ijo, naarai abarito kesi, mam epudas idiobore, apugan ka ekanisa kere nepepe. "Ejai Apugan naka Ikar Elukumit elosi ngaren," eroko erai aisisianakin naka Atulik kiton lolo. Ianyu? Kwana, "ejai apugan naka ikar elukumit elosit ngaren," naarai ijeni oni ebe ibucara ngin. Apugan naka Ikar Elukumit: Abunore Nakiareit naka Kristo nges eyangauni Apugan naka Ikar Elukumit. Edolit ngin.

Idinya akwap, komonyi kanuka alacunio kangin naejijim,

Apak naebongunia Ejakait toma akwap bobo.

9 Kwana, lokalaunan lo lokaumokin Columba. Arai ngesi etunganan lokaumokin loka Edeke.

Kwana, kijaar eong akekiro nukolo esubit bala iwadikatai ne. Nasodit, atur naka ekanisa lokiwongonet, Suatira, aijarijar, alacar," araibo, "amusumus." Ianyu? Arai apak namam ebusakinit anyoun 606 kiton 1500.

Aacerit arai Columba, loalomunit ko Ireland ka Scotland, loarai ocenike ka Martin lokalaunan; kosodi aijar nepetai ikar akaisakanykape akaulo naka Patrick Lokalaunan, ido kwangin abu ajaanakinike kogeun nepetai ikar akaisakanykape akaulo naka Patrick Lokalaunan. Eke...

Mam nges cut abu kocam aisisianakin naka Iromayon. Arai ngesi etunganan lokaumokin loka aiyuun. Abu ngesi kogir aisisianakin naka Iromayon; mam cut abu koloto Rome, kosodi aigir ngin nepepe kere. Erai, mam eong apedori aanyun neapotu kesi kitejenaratar nges kwape lokalaunan, ka Irenaeus naarai aroko kesi ajaas toma Okanisa ngol loajaatar aanyununeta ka nukaumokin nuka Pentekosit, konye kiyuunitos. Mam nges cut abu koyanga aisisianakin naka Iromayon, arai kotoma aisisianakinetakec. Abu ngesi koyanga Ebaibuli kanuka aisisianakin atupaar totoke nayongit Edeke, inac naka Martin Lokalaunan, ido mam cut abu koyanga aisisianakin naka Iromayon kotoma apak adio. Esisianakini ngesi ebe aanyununeta nuka Marako 16 ebeit atupanakin nginiyuunan. Amen! Eong...Ngol nges eipone loka etunganan loakoto eong; loiyuunit. Eebo, ipa.

Abu ngesi-ngesi kiira Eporoto loapupo loka Edeke. Erai aanyunet ace najokan neejai ngesi, itei ijo. Akepolou amamei do bobo ibore yenapedori atikokin nges akaulo naka ngun, adaunit ngesi aekar, uh-hum, uh-huh, ajai ngesi korot nakeirara Eporoto loapupo loka Edeke.

10 Akirot nakaumokin adiopet...kijaar eong aiwa-... ne, konye arai kilem oni adiopet na. Akirot nakaumokin adiopet arai ebe neabu ngesi kolosio oibuga loejukarit nges Edeke alosit, ido mam eibuga ngol akoto ajaun nges, aso apotu kesi kolomasi kinga ngina kasodete aitam...alemun ikaramak emiusik, kaiceda, kosodete aigol irutei kosodete aitam aitulumor nges kanuka abolia, ikaramak emiusik. Kosodi ngesi ageun alimonokin, kosodi ngin alemar awai ikarama emiusik kosodete irutei angaanar, abu kolot ngaren alomar toma, kosodi alimonokin kwape kwangin. Abu ngesi koinak atukos kere aiyuun.

Ejai ece ne loakoto nepetai aisub bala enera nuke. Abu ngesi kolot oibuga. Alukunitos kesi ibugaikkec kede arwatatin apakio ngun, arai kwangin. Aso abu ngesi kolot oibuga, kosodete airutar nges kinga. Napelosi kinga kosodi etelapet loka ekayaiton adekakin erono noi, kosodete kesi alosit atupakin etunganan lo lokajokan lokalaunan. Abu ngesi kobong kosodi aper kokokuju esapat, kosodi ajarun.

11 Elelebas ekekanisa kede Emoyo Lokalaunana, amameotor nhgsi ibore idio yenejesuna, naarai nginimeeba kere yenika okanisake elelebas kede Emoyo Lokalaunan. Ido etepegit ngesi ido kolaite noi adokena nuka apolou nuka Rome. Eyuunit eong ebe nges arai aacerit naka atur. Inyobo eswamai ngesi? Kede einer kotoma angajepa, aibatisao Kokiror loka Ejakait Yesu, aswam iboro ngupengul luapotu kesi kogeutu. Arai erai Edeke loejaenena apaarasia kere, korai ngol nges eipone loabu Ngesi kosipokina Ekekanisa kageunet, ejai asalakin kwape kangin, ido esalakinit (karaida kotoma otunga idis) anatar apakio kere; nepetai aponi kolemarai kane, kobonguni bobo kama ejai Luther.

12 Kwana, ikoto oni ageun kwana, kasodete aanyun arai ipedori oni ageun alemun ice kotoma okokoron kalu kwana, ko...igeun kokokoron 18:

...ido kiwadikak emalaika lokotoma ekanisa Suatira;...

Abu ijo komisiik ibaluan lu-lu? Iwadikanakitai aisiranareta nu neejaas imalaikan, arai ijaanakinak luitingitos Aica naka atur naka ekanisa. Ianyu? Kwana, akuar natubor idumuni oni ebe, kotoma agolokinet naka atur kanace na naka ekanisa loka Perugamo, ebe emalaika loka ekanisa (kotoma aipikor naka atur kana naka ekanisa) abuni adumun amoru. Ido kotoma amoru kana...

Kwana, kilem oni "amoru" ngin kasodete aituput, erai akepolou "atiida." Inyobo ngin? Abuni emalaika araut loaputos ka Petero, loanyaritai "amoru."

13 Koany ebe ekonikiror ejaatar ajanaanut toma aijarakon. Kwana, mam eong apedori alosit noi toma ngun, naarai ejaatar ajokit eimare lokaingal loka nuiswamaete ikiroria toma aijar naka itunga; ijeni oni ngun, einakini itunga ageun aipup, kaceda koipone kangol kolosi kiton omisimun. Ido imisimun eraas luka ajokit. Ijeni oni ngun. Ido ngol nges eipone, ekoto ijo acoit. Bala kesi...

Apolou nakenyariata kesi Yesu "Ebelesebul," "ejokit," naarai, itei ijo, apedori Ngesi amisiikin aomisio nuka etau. Itei ijo, konye arai Ngesi akirot naka Edeke. Ido abala Iburanian iwongon ebe, "Akirot naka Edeke ekwana adepar ekileng loekwana iwaitin iarei kere, emisiikini aomisio nuka etau, aijen." Ianyu? Aso, arai Ngesi Akirot, erai Ngesi Akirot nakajaran, ido ebuni Akirot nakajaran tomawok ido iswamauni ejautene ngopengol kotomawok. Itei ijo, ngupengun, naarai erai Akirot ngipengin. Itei, erai ibore ngipengin kotomawok. Ido era kwangin. Ido icesawan ngul luemameete atukot kangin ineras kede angajepa, kosodi ice aijulun. Inyobo ngin? Akirot eraun akuan bobo akidingosiwok.

14 Kosodi do, kianyuni oni ebe apedori emalaika lo adumun...emalaika loka atur nabu kodum "amoru." Arai amoru nakwangan, akepolou ebe mam arai akedolit elopet, konye "Adolit naka Edeke elopet.

Ido kotoma amoru kana ajai, "ekiror," ekiror loamamei yenajeni, dimarai ngin ilopet yenejauni. Ajeni ngesi ngin, konye amamei icetunganan yenapedori ajenun ngin dimarai nges. Nekipupunio ijo itunga lu edacanakinete ijo akiro, kineras nukec; ebe eraas kesi "Yokana," eraas kesi "Paul," eraas kesi "Mariam," eraas "lo," arai "je," arai "loce." Mam iyuuni ngun. Ianyu? Edolit ngin. Ejai ngesi aidar ngin elopet. Ajeni ngesi. Amamei yenajeni konye ngesi elopet, konye ajeni ngesi naarai kangolipikoron lokajokan edumuni ekiror lokitetet koipone kangol.

15 Ijo abu komisiik ebe Aburaam anyaritai ebe Abram, konye nakelosio Edeke aitwasam nges, abu kijulak ekekiror araun "Aburaam." S-a-r-a-i arai sarai konye nealosio Edeke aitwasam nges, abu kijulak nges araun S-a-r-a: Sara "akabaka." Ijeni ijo ebe Yakob...? Arai Yakob "Ekamodan." Ido ekamodan erai 'ekengalat'?" Konye neabu ngesi koutakinotor kede Ejakait akuar ekia, kosodi aipikor, aponi nges kisirerengioi, abu Edeke ijulak ekekiror; Yakob kiton araut Isirael, "ekabaka ka Edeke." Paul anyaritai Saul kiton nakeriamunotor ka Emoyo Lokalaunan kotoma ojautene loka Aica nabu kocaik nges, aponi kijulakinai ekekiror anyoun araut Saul kiton "Paul." Simon, nakeriamunotor ka Yesu, abu kijulak ekekiror araun "Peter." Ebe...

Ido nakepikorio Yesu, aponi kijulakinain Ekekiror, "Ngin yenajaunos ka Nges, kipiko da kwape abu Ngesi kipikorio, adumuni ekiror lokitetet; ido apukokini nges Ekakiror lokitetet." Ianyu? Ido ngolipikoron, apeleikinit eong, akidingos naka itunga kwape kangul: ingarenok ngul kaceda. Kwana; idwe kere luka Isirael mam apotu kodumutu ikecekiroria aijulakinio, ejena nen. Edolit ngin. Konye ingarenok ngul lukapolon, nakepikorioto, apotu kodumunitos ikiroria lukitetiak. Itei ijo eipone loerucokinar? Cut ejok noi.

16 Ido kwana idumuni oni ebe abu ngesi da kodum "emanu loengadatai." Kwana, emanu loingaditai itupusitai kede emugaati loka aitodikin. Emugaati loka aitodikin arai kanuka isasedotin bon. Edolit ngin. Emugati loka aitodikin arai kanuka isasedoti bon. Ido kesi...Arai ibore yenetegelikina yeneswamatai kanuka esasedoti, nges atermar, ingarenok; ido epikori etunganan lo. Esipan kere adumuni emanu, konye adumuni ngesi emanu loingaditai (loitegelikina), arai "apukokinio naitegelikina," oo, naka loarai Yesu Kristo, ka nuikamunitos Nges, kere nuikamunito Nges. Itei ijo, adumuni ngesi apukokinio arai abu ngesi kipiko, neejai emalaika. "Koric ejok, naarai ngol lo..." Abu ngesi kipikorite. Ewadikaikitai neejai emalaika loka ekanisa. Ianyu?

17 Kwana idumuni do oni ebe, atibong na, igeuni oni:

...ido kiwadikak emalaika loka ekanisa lokotoma Suatira ebe: inera kwanata Okoku loka Edeke, ngol loejaas akonyeke bala aipelonoreta nuka akim, akejeke da eputosi kwape aikomon nuepwatat ebe;

Kwana, nakianyunia Nges nasodit, Atur naka Ekanisa loka Epeso, arai ageunet nasodit naka Apukokinio, kipou aanyutu Nges kotoma adokenaKe akanyaaree nuka etunganane loitubusikinitai. "Itim..." Idumuni oni ebe abu Yokana koany Nges kangina kotoma apaaran naka Ejakait.

Nakebunio Ngesi kwana, erai Esasedoti. Nakejaar ne toma akwap, arai Ngesi Enabi, Enabi loka Edeke. Kwana abu kolek Akeokot obe kosodi alosit akonyen nuka Papa, naeinakinit Nges araut Esasedoti. Kebongu Ngesi ebuni araun Ekabaka. Enabi, Esasedoti, ka Ekabaka. Arai Ngesi Enabi loka Edeke, arai Ngesi Emorukaale. Arai Ngesi Esasedoti loka Edeke, arai Ngesi Imerekek. Nakebunguna Ngesi, ebuni araut Engatuny, Ekabaka, (ateker naka Yuda) aipuga.

18 Konye kakidingot naka aswamuKe Esasedotene, nakejalakinere aiboisit nakalaunan, idumuni do oni Nges ebwoi kangina. Ido abala Yokana ebe ajai ngesi toma Omoyo kotoma "apaaran naka Ejakait"; mere apaaran naikanyetkaaree, mere Naesabiiti, ngun kere ibucara. Kipou oni ajenutu, kipou kangicata kotoma Naiwadikaere, arai apaaran naka Ejakait. Na nges apaaran naka etunganan. Abongun naka Ejakait ebuni araun Akepaaran.

Ido ianyuni oni nges kotoma apaaran naka Ejakait. Ido nakenyunia ngesi Ejakait, anapit "itim lokakwangak." Ido kijeni oni ebe ebwoikinit ngin ekatubon.

Icebore, mam bobo Nges arai Esasedoti apak ngin, naarai Esadoti aenitai kidingikiding, akepolou aijaanakin. Konye aenitai Ngesi airimun atorob, kokuju kane, naerai akepolou ebe arai Ngesi ekatubon. Amen! Ido kianyunit oni Nges elosi kotoma akidingos naka ipirin lukatalai ikanykaaree luka esabu.

Ido kwana apotu oni abongosi kau neejai "Emojong Longorot," araut loekwang kotoma Oicolong Loakwangan loka Etube neabu Daniel koanyunia Nges, "Abu kobu mama ejai Emojong Lonngorot Loakwangak iketim kwape akako."

Kwana, "Akwangis." Ikatubok luka Obulaya natar ikar ngul kere, atapit ajaut kwangin, nealosioto toma oicolong loka etube aboko nakwangan, naarai araas kesi ikatubok. Ido abu Yokana koany Nges kotom apaaran naka Ejakait, nakeanyunia ngesi ekatubon. Amen!

19 Kwana kianyuni oni ebe, "Ajaatar Ngesi akonye bala aipelonoreta nuka akim." Ebe akonye apakio ngun asubitos bala apelonoreta nuka akim...Sek amusumuseete akonye ngun kede akiyo nuka itunga. Apedorete akonye ngun atitingikin kosodete aimony kanuka etunganan lojai atwanare, kojeni da ebe kotoma adakikian akany nuetupakinete alosi ngol aijar bobo; konye arai aitimokinit naka etunganane. Konye kokau juwai naka ngol ajai apedor naapol noi ebe apedori Ngesi asesesn toma aijar naka etunganan kosodi alimokin nges loarai ngesi ido nuikamunitos ngin. Naarai abunit kwana toma ailiaca na bala kwape akim. Epedorete akonye angolongol ngaren ka kau naka akwap kosodete aanyun nginibore kere yenelosi ngaren. Aibodo ibunio ijo aibwo kotoma apaaran naka Etube? Ebuni akonidiakar araut naimujalal koingareneKe.

Ido ianyuni ijo ebe ajaatar Ngesi, "Alomuni kaitukuKe ekileng loekwana iwaitin iaree kere," loaputu oni adumutu ebe arai Akitot.

Kipou oni aanyutu akekejen eraas bala, "aikomon nuepwatat," kaceda, naerai akepolou "Akepetetai." Abu kicakacak acuet naka ebino loka adedeng naka Edeke Lokapedor kere, kosodi aipudapud kosodi aimarakin adiakar mamaKe, kosodi alosit kosodi aitelel Edeke. Edolit ngin. Ido apetetaiKe nges awokopetetai:

Toma Kristo atiiba naegogong, nges abwoio eong; (abala Eddie Perronet.)
Acaboisio kere eraas asinge naelumori. (Edolit ngin.)

20 Kwana kianyuni oni kane, nginipak nakiriamunotor Ngesi kede atur naka ekanisa, ineras Ngesi kede ngin kwape ediopet kotoma Okiroria luka Edekeoneke. Kwana kidumuni oni ebe kokau kangina, nasodit kotoma apukonokineta kere nuka Edekeoneke (Edekeone Lokapolon) loka Yesu Kristo: "Arai Eong ngol loajai, loejai, loebunit, ido loebunit. Eong losodit, ka lokawasia, Edeke Lokapedor kere." Itei ijo, arai Eong losodit, ka lokakawasia, Edeke lokapedor kere." Itei ijo, apukokinio nasdoit. Abu Yokana kobongo aanyun loeneras kanges. Ibore yenisodit, inerakinos Ngesi kangol ko...

Ekabaka edio, nakinerar, elimuni nges-ngesi-ngesi loerai ngesi; idiotunganan kere. "Arai eong mutan kenerakinos eong kajo, komam ijo ijeni eong. Arai eong William Branham, arai eong John Doe," loerai ngesi kere.

Ebala ebe, "Arai Eong losodit ka lokawasia; ngol loabu kojari kosodi atwanare; ido ejari ikar kere." Oo, ikatunga! Edekeone. Kane iseseni oni Nges kotoma adokenaKe akanyaare nuka etunganane nuka adeketaitiKe naitubusikinita. Kotoma nginitur naka ekanisa edolokini Ngesi kes kotoma oipone loitegelikina loka EdekeoneKe, eipone loitegelikina loka ijautenesio kangul luitubusikinitai.

21 Kwana, atibong na, ebuni Ngesi kede aipelonoreta nuka akim. Eseseni Ngesi kwap toma Laodikia... araibo kwap toma Suatira. Erai na atur nadukokinotor ekanisa kede Etulikane, arai Enikolaene ka ekapirione aenata epeeta kosodete aiswamaun ka aurun ekanisa losodit, ekanisa loerionget.

Abala Edeke ebe aswamisisio nuka Inikolain (Nuajaas toma Epeso), aikopar laiije toma okanisa loka Perugamo abu korau "aisisianakin," ido abala ebe arai, "aisisianakin naka Balaam." Arai Balaam nges abu kisisianak Isirael alosit laiije kosodete aswam adoteu, arai apotu kesi kiswamata adoteu kede Moab (loarai emeeba loalilim loka okanisa), araibo ekanisa lopeduc, erionget lokapolon. Ido idumuni oni ebe abala Edeke, ebe aisisianakin naka Inikolain nabu korai...alemar a...abwaikin apedor kere toma okanisa kosodete alemar awai ka aitaraun ngol erionget, abala Ngesi ebe, "Ilait ijo ngol, ido eong da alait." Inyikokinit Ngesi einer ebe, "Ola ngin! Ola ngin!" ido adolu toma ailelebun kane. koany eipone loeridakinitere ekanisa, cut kokuju kane kiton araun ibore yenididi noi, ido ngol nges ekanisa lokijai oni toma kwana.

22 Kwana, kotoma apaarasia kanu nuabu apukokinio na kobunio, araibo arai neejai ekanisa lo, arai apaaran nabu Rome kodukio kuju amor nukauomokin nuka aibositikec, amelo ka anya. Konye ejai Ngesi alimokin ekanisa lo ebe, "Eroko Ngesi esalit erai aipelonoreta nuka akim nuesesenete kwap toma apakio, ido mam apetetaitiKe erai anya arai ariang, konye erai aikomon nuegogong, nuepwasitai kotona oupa loka akim." Egogong apetetait. Amina eong ngin. Ijeni nekibwoio.

23 Eebo:

Ajeni akoniswamisisio, ka aikorokon, ka aijaanakinikon, ka aiyuun, ka atitingikinikon, ka aswamisiokon; ido nukawasia-nukawasia kwape kitelekaritotor nusodit.

Eebo, esubit ekanisa bala nepetai adaun alemar cut, atwaniar adio bon, ido adautu kesi anyoun awai kama ejaas airiamununeta nukomoyo, ido asubitos do bala agongakina neejaas aswamisisio.

Erai ngin aanyunet naka ibore yenejari. "Iyanga oni Amucalat Jones kalaije amagoro ace. Ido iyangari oni mutan, ikecedwe, kanuka icegoen." Ido edolit ngin. Konye, mam igongakin toma ngun, mam iswamai ngun. Onac, eraas ngun-ngun-ngun aswamisisio nukajokak; etunganan loka lokajokan, loebonot loka akwap iswamai ngun. Konye eyangaikini araut Ekristayot loijaatar amisiikin naka aurio nakiareit, aibatisao naka Emoyo Lokalaunan. Eebo.

Apotu iriangularos awai, aponi kes kinyakakinai neejaas aswamisisio aiboisit naka amin ka aiyuun, aiyatanakin ka aiyatanakin apak kere kwape kalosio ngaren.

24 Eebo:

Ajeni akoniswamisisio,...Ajeni akoniyuun, ajeni atitngikin, kaceda...

konye kwana ilosi oni alemun ekokoro lo 20, kopupok nu:

Konye ejai Eong akirot na kajo, naarai inyeikinit aberu ngin, Yesebel, naenyara bon anabi, isisianakini ingalaari da ikabulesin tetere edotearos, ka ainyam nueinakinio aputosia.

Kwana, "aberu." Inyobo apotu oni ajenutu ebwoikinit aberu akuar natubor? "Ekanisa." Kwana, kwana idumuni oni kane ebe anyaritai kes "Inikolain," "aisisianakin naka Balaam," ido kwana adoloki neejai "Yesebe."

25 Kwana, "Yesebel." Arai ipedori ijo amisiikin, eraas nu akiro nukolo nukapolok. Kwana, arai ikoto ijo aiwadik ngin, ogeu kotoma Okabakan Lusodit, nepetai i...Ikabakan Lusodit, nepetai 16. Mam Yesebel arai

akoku naka Aburaam; karaida atukos na kane, Rome nakapiirit. Araas Inikolain lualilim, Ikristayon luka einono luapotu kotiakaros kama ejaas Ikristayon lukabeit, "kosubitos bala emameotor Aiyuun." Ido akotosi kesi aitarauan ekanisa bala aiboisit naeperio, kwape kejaatar kesi lolo; bala aiboisit naeperio, emamei Emoyo kotomake cut; "Atuboros apaarasia nuka nukaumokin. Ngun kere araas kanuka acetur. Kijaar oni einacane." Aduketait nakajokan, Ekese loitegelikina, arai idiobore bala kwape kangin itolomuni ngun. Ido ejok ngin, konye mam ngin cut iswamaun kanuka aurio nakitetet kotoma Yesu Kristo, aitajario neejai etau, Abeit.

26 Eebo, Yesebel na. Kwana arai ngesi akoku naka Aburaam, abeit ngin, akabaka naka aima aputosia. Ido kotoma apak kangin neabu ekal loka ekabakane, ekekal loka ekabakane, ajenara kede abilakina naronon noi neejai Ibaalim. Arai papake esasedoti loka aput naka Asiterot? (Mam eong ajeni eipone loilimunatar yesi, alemunit eong ngin kotoma akiro nukolo). Abu Akab itwasam akecoa bala kwape Contantine. Akwap naka nakapolon nakapedor ajai osiep naka Isirael, aso kanuka ngun...

Inyobo abu Constantine iswama akuar natubor? Mam nges ebelokina. Arai ngesi ekepugan. Inyobo atamit ngesi aswam? Abu ngesi kolem Ikristayon nakelimokiniata ngul nges ebe apedorete ailip...(Ido kwana, kanen, kiitu, erai ngesi...inera kwana oni nuka Inikolain). Ido abu ngol kotema ebe arai apedorete kesi ailip, kosodi ngesi aitelek ar ejie lo, akepolou ti do nges-ti do nges eraun Ekristayot. Abu ngesi kodum airujasit. Abu kocul ikebukui nekwang, akuar ngin, luka emusalaba. Nekeurunere akirosit naka ikajiok luko Columbus, cut kotoma apak kangin; kwana nen nges ejai akecebwoetai. Konye mam nges eswamat idiobore bala Ekristayot! Kotoma odiopet kotoma okanisan luka Inikolain, loanyaritai St. Sophia, abu ngesi kibwaik emusalaba. Kwape alimunitor eong akuar natubor, ngin bon nges ibore yeneswamator ngesi yenasubit kwape bala ajai ngesi kanuka ekanisa, kwape ber apedoria eong airereun kotoma apapulai nuipu kotoma akiro nukolosek; ido luipu kotoma ekewadikak inerasi ibore ngipengin.

27 Konye inyobo abu ngesi koloma toma? Ibore yenakoto ngesi aswam, abu ngesi koany nuipu nuka Rome, kwana.

Kwana koany kotoma kanu, kosesen anapetaiKe. Kosodi asesen eipone lokitogogongitor Ebaibuli ngin, Edeke, akwat ka akwat nuka ikar eroko iswamauna. Ido abu Constatine kitwasam acoa ngipengin, abala Edeke kane, ebe nabu Akab itwasam.

Kwana, abu Constantine koany ebe atutubet naepol naka iketunga araas Inikolain lu, Ikristayon. Ice kotoma kakesi anyaritai ebe, "luepaarito," luka Pentekosit; araas kesi "Luepaaritos ido lukalaunak luibelibelos," kaceda. Nen nges aperito aanyunetakus ka nukaumokin. Konye ajai ekanisa loka akuan apakio ngun aploun kiton araun erionget. Inyobo abu ngesi kiswama? Abu Constantine kobolia ewai lokacoa. Abu ngesi kolot ngina kosodi alemun ikepapero lukapiirin, kosodi alemun ikepapero luaraas Ikristayon, kosodi aimorikikin ekanisa nepepe, kosipokini e-e...abu koyangau ekapirione neejai Ekristayone. Ekristayone ka ekapirione imorikikinos kokanisa loka Perugamo.

28 Kwana, inyobo abala Ngesi kalailo neejas lu atibong na? Ibore ngipengin yenabu Akab iswama. Akab, kanu aitogogong akekabakanut, abu kodukokin Yesebel, amaan aputosia na; kanu aitogogong akabakanutuke, kanu aiyatakin agogong Isirael.

Ido ngun kes etamitos ikanisa aswam. Itei ijo neetamitotor kesi aiswamaun Ebaibuli, aitolomun ngol okaru ngol 1962? Erai ngol Ebaibuli loebuni aitelel Iyudayan, ebuni aitelel Itulikin, kosodi aitelel luka Protestanat. Oo, onac! Ajaatar eong itutubet yenikapapula. Mam eog atingit atibong na, ipupunitos yesi eong asiomi akuar kaya da. Ikoni nen, itei ijo."

29 Oo, iboro ngul kanu aitam aiyatakin! Elemunete kesi iboro luka Edeke lukalaunaka kosodete aisiarakin kes koipone kangol, kanu aiyatakin kosodete aiswamaun inaabai luipu. Ngun kes eswama ekanisa. Abu kocam itunga alomun tomake kanuka aijang akanin, kosodete adumun itunga luepali ka nginiboere kere, itunga lumam ibelokina. Konye kojaas toma Akuan nakabeit naka Kristo, namam erai erionget, konye Akuan nakaiyeiyea-nakaiyeiyea naka Kristo, ipedori bon ijo alomun toma ngina koipone ediopet bon, ido erai ngin kotoma aibatisao naka Emoyo Lokalaunan. Eebo! Ido aanyununeta ngupengun nuapotu kodoikis ikiyakia ngul, edoikinete Ekanisa da. Edolit ngin cut becebec!

30 Kwana, mam oni ipedori acamanar kasodete atemar atiar, "Eebo, ibuni oni alosit kasodete alomar toma Assemblies. Ilosi oni kasodete alomar Oneness. Ilosi oni alomar neejas lu, arai Baptist, arai Methodist." Alomasa toma Kristo! Olacakin kanejeas iboro lu. Naarai ngolidiopet kotoma oriongeta kangul ejokuka, konye elemunete kesi-kesi aisisianakinetakec ka ikeceboro, ido ejai ber ijo alosit kosodi aanyun ekaanyanaran kanu ajenun arai ecamakini ijo ekaanyanaran lokapolon abunore toma akwap ngin kosodi ajaun kede airiamun. Arai mam ijo isisianakini cut becebec kwape kiswamat kesi, irengearete ijo kinga, mam yes ipedorete asalakin kede Ebaibuli. Mam Edeke epedori aswam ngin, elait Ngesi ngin. Ediokristayot kere loeuritai irwan nakiareit iswamai ngesi da ngun. Luipu kotoma otunga kangul kokinga kangina eraas cut bec...ekotosi awam, ekotosi aijaanakin, ido ekotosi eidicane. Konye mam yesi ipedorete aswam ngun, irengeario ijo kinga. Eebo, kirengeasi kesi ijo kinga, kolot ijo ngaren, kodum Emoyo Lokalaunan kwape kwangin. Edolit ngin cut bec. Konye, itei ijo, ekotosi kesi-kesi alemun aisisianakin ngin-ngin. Ekotosi kesi

aitodolikin yesi toma aiboisit naijaatar yesi kede isirigin luipu.

31 Ajaatar luka Baptist akirosit ebe kotoma okaru 1944, "Aiyatakin emilioni kokaru 1944." Inyobo apotu kesi kodumutu?

Bala kwape abalar ekalimonokinan lokaumokin Billy Graham ebe, nejaatar ngesi Louisville, "Alosi eong oibuga..." Ebalala ebe, "Alosi Paul Lokalaunan toma oibuga, ibelokini ngesi etunganan ediopet; ebonguni ngesi okaru loetupakini ejaatar ngesi akaisauni kotoma odiopet kangol; itatai luaturio nuelwaka noi kama ejai etunganan ngol loebelokin ediopet." Ebalala ebe, "Alosi eong oibuga, anyarauni ilukumin akaisauni, abongori eong okaru loepakini ido komam apedori adumun akaisauni." Ido nuabala ngesi, abu ngesi-ngesi kitolom aliminet najokan, konye aroko eong mam acamunit ebe adolit onacewok loketiai. Abala ngesi ebe, "Yesi ikalimonokinak luemunnauna akwes." Ebalala, "Ainakini eong yesi ikecekiroria ka aiboisio nuiboito, iboikin ikeunite akonikeje kaju naka abao naiboio ijo kosodi aiwadikaikin kes ebalua aiboisit naka alosit ainerakin kakes."

32 Abu eong-eong asub bala abu kaminak ngesi kanuka ngun. Aminakit eong etunganan araut loerai ngesi, mere loka esoswai; aibwo cut kosodi araut loirai ijo. Ido aminakit eong ngin. Konye epuda eong alimun ebe, "Billy, ingaibo ajai kaju ngina kanu ayangar etunganan ngol loebelokina lojaatar Paul? Araibo ingai, Billy, korai ti yesi kojalakisi ainanakin kes abongonor ngina kosodete aijang akanin, kosodete anyoun, kosodete atemar, 'Eebo, acamunit eong Yesu kwape Eketajaranika,' kosodete ainakin nges aiboi kangina kiton nges atwanare ka aibos, ido kourunitete nges aurio nakiareit naka Emoyo Lokalaunan, ebuni ngesi aitolomun ikeyuunak lutetiai."

Onac, irai ijo...ibulibula ngesi kede akim, mam ijo ipedori aitudeng. Esubit ngesi bala etogo loenokie kotoma okwam loekusi noi, mam ijo ipedori aswam ngun. Oo, kwana ejai ngesi aisiarakin nginiboisit kere, onac, ekeyuunan lokabeit loka Kristo, mam nges epedori aiboi inapakina. Arai ngesi...ejai ngesi toma aswamisiot. Oo, eyalama eong noi! Oo, ikatunga! Aibatisao naka eipitene lomojong naka Emoyo Lokalaunan nainokokini akim otakon! Mam epedori atitingikin ngin, akwam ekusi isinepi ijo, ekwam loekusi noi ebuni aisinyikokinit ijo ainok, inyobo enyikokin bon eong airupanakin akito, kasodi ainyikokin alosit. Eebo, ipa! Amamei itunganan yenayangari itunganan yenebelokini Paul, abu Paul kitorio kes aidules kotoma Kristo kiton neatwania ngesi kaneejai akekuan, ido kojari kotoma Kristo, ido abu ngesi iswama nuce kere. Edolit ngin! Ikoni nen.

33 Eraasi iinacan luka Baptist lukajokak. konye ice emilioni bobo, inyobo do ajokis iswamai ngin? ijaasi yesi kede ikirorin ice bobo emilioni. eebo, iboikinos kwap kosodete asubun ice, arai ikotosi yesi aibwaikin kes nen. emamei ngin ationis. konye onac, luikoto oni kes ikiroria kotoma Oitabo loka Imerekek loka aijar, yenaponi koari ameun apeteta nuka akwapin; kilongaritete kotoma aokot, kilelebaso kede Emoyo Lokalaunan, kotupitos aanyuneta ka nukaumokin.

34 Kongic akiro nukolo. Korai ti yesi kere kopedorete adumun eitabo loenyaritai Nicene Council kosodete aisiom iboro ngul, kanu aanyun eipone loetingitotor lakalaunak ngul luaponi koarai akim naka Opentekosit. Alimokini kwana eong ijo, onac, yesi luka Obaptist, Methodist, ka nuiraas yesi kere, Aica alopet nakabeit...mam erai erionget loka Opentekosit, kwana; konye Aica alopet nakabeit nges nuapotu kiswamaunos ko Pentekosit aismamamikin ijo. Anatar...ajaun eong apaarasia ka apaarasia kwana, akiro ngun nukolo, aibok tomakec kere adum eong nginiboisit kere, ido erai alikan ngin naka Opentekosit nges abu kosalak enokie anyoun ko Pentekosit kiton apak na. Eebo, ipa! Aremor kongia.

35 Ice kotoma kakesi ebalas, "Eebo, ekanisa lokapolon loka Atulik atitingiki akailan. Inyobo, kitogogongit ebe erai nges Ekanisa lokabeit." Inyobo, mam erai ibore yenaumokin neajai eong, kede apugan ka nginibore kere kokauke, apedori ainyikokin ajaut. Konye ibore yenerai-yenerai yenitegelikina, nges itukot ngin yenididi yenalemar awai, idis ngul, luirengearitai kinga, kocakanakinai aidaris, kotubutuboi. Eipone ali enyikokiniata kesi ajaut? Naarai iswamai Emoyo loka Edeke lokajaran kotoma otungananekec. Ido ajokin kere nuka okatwak mam ipikorete Ngol! "Toma atiida na adukokini Eong Ekanisa, ido irutei da luka okatwak mam ipikorete." Ngin nges ibore ilopet. Ngin nges abu koinak Emoyo Lokalaunan nejaas ikalimonokinak lu luka Methodist, kaiceda, lu. Itei ijo einakini ngin kes anyoun aibwo, iswamaikini ijo icebore. Mam ibiror.

36 Akab, ngol lokesoswai. Itei ijo, elosi ngesi ngaren, ebalala ebe, "Kwana korai eong apedori agogongor kwana, kasodi adumun akwap na nakapolon. Arai adukokinos eong kede akoku naka ekesa kangol kokwap kalaije, eebo, ebe...ibuni isio-isio araun ipapero." Inyobo ajai ngesi aswam? Agwelar akepedor alopet nakaurio.

Kwana, nakejaatar ekanisa loka Protestant alosit abongor ka aimorikikin kede Atulik, ebuni aswam ibore ngipengin yenabu kiswama kokau sek. Ajari Akab kotoma apak na...

Ajaun irwanauni. Ajai ngesi toma ojautene loka akuar naka ekanisa loka Isirael, ido kane abu kodolok toma akidingos naka akuar bobo, ido kidol oni akidingos naka akuar bobo kane. Aturio auni eroko nu; abu koloma toma ne, toma ne, ka toma ne.

37 Kwana, arai kimisiik ijo, abu Akab kodukok Yesebel kanu aitogogong iketunga. Ngun cut becebec kes nuabu Akab iswama. Abu ngesi kosipok ekanisa lokapolon loti, kosodi alemun elutaari kosodi aiswamaun amoru nati naemuekemuekei, kosodi aitanap etunganan lo, Ipaapa, kosodi aitodokar nges kuju neikiara ngina. Arai ddo ngesi edeke loajari, apedori ngesi einer kakes, kosodi alimonokin kes nuikamunitos adikanaretakec, ido abu ngin itelel ekanisa ngol loajalam, kosodete kesi apaar awai. Abeit cut! Ikoni nen! Eebo, konye mam abu itelel etunganan ngol laurитай irwan nakiareit, nakelemariata kesi ngin kosodete ayangaun ipucinio luka ikapiirin luka alimonor ailipasia. Inyobo apotu kesikiswamata? Alemasi Jupiter, kosodi aibwaikin Petero. Alemas kesi Venus, kosodete aibwaikin Mariam. Ido abu koyangau-abu koyngau ekapirione toma adokena nukapolou nuka Ekristayone.

38 Kosodi Akab adukokin Yesebel, abu ngesi da kiswamate ibore ngipengin kere. Abu koyangau amaia naka aputosia toma Isirael. Ido anyoika abu Yesebel kiswama? Abu koar ngininabi kere loapedori ngesi adolokin. Biai ngin erai abeit? Kwape kwangin apotu luka ipaapa da kiswamata. Kanginikristayot lokabeit loapedorete kesi atiror, apotu koarata.

Konye ajai aacerit naka atur, Eliya emojong! Oo, eebo, ipa! Mam ngol akuriana, alimokin kes nuikamunitos ngun. Eebo, ipa! Arai ngesi aacerit naka Edeke naka atur kangin. Abu kodolok kiton apak adiopet, abu kotema, "Ejakait, eong bon edeuna."

Abu Edeke kotema nges atiar, "Kwana, kidareu ber mot, kidareu mot, kidareu mot, Eliya." Uh-huh. "Adaunit eong adumun akwatakanyaakaarei ingaditai, kalaije. Ianyu? Mam ijo ijeni neejaas kesi. Ejaas kesi king angina, Iparisayon, Isadukayon, Baptist, Methodist, ka Presbyterians, konye abuni eong alemun kes kinga naka ngina, idareu ijo aidareun bon. Ianyu? Kijaar Eong kes kinga ngina. Ejaas...Eraas kesi-eraas kesi-eraas kesi luKang, ido mam kes ekukonokinos Baalim ber." Konye epolon Eliya arai Eporoto loka Edeke kotoma apak kangin. Abeit cut arai ngesi aput ngipengin alopet naka Eporoto loka Edeke kotoma abunore nasodit naka Kristo, ido ebuni araut eipone aput kangipekangin naka Eporoto kotoma abunore nakiareit naka Kristo bobo, kwape ajaar kotoma Nuiwadikaere.

39 Kwana, ianyuni oni ebe Yesebel na, nakedolio ngesi ngina, alosi ngesi cut teni atianakin kwap itemuam kere luka Edeke kosodi adukun iketemuan alopet. Ido abu koinak Isiraelin akukonokin ngaren naka aput. Ngun cut bec kes abu Constantine iswama nakeswamaunia ngesi ekanisa loka Atulik. Abu ngesi koyangau akapirione toma-okanisa loka Ikristayon, kosodi ainakin Ikristayon akukonokin aputosia. Erai ngin cut becebec atur naka amuton bobo; atur nakamuton naka Isirael, atur nakamuton naka-naka ekanisa; akukonokin aputosia. Ido arai Eliya aacerit naka apakike.

Kosodi adupor Isirael kere aima Baalim, ido kwape kwangin abu Atulik da kiswama ko Suatira.

40 Kwana, akoto eong ijo amisiikin icebore yenisirienguni kane, ajai eong alemun akiro nukolo kane. Abala Yesu ebe arai aberu ngin...anyaraikina bon ebe anabi. "Aberu ngin Yesebel, naenyaraikina alopet bon (enyaraikina bon) anabi." Kwana, itei ijo, mam ekanisa loka Atulik ecamakinit iketunga aisiom Ebaibuli naarai ebalas kesi ebe esasedoti bon nges epedori amisiikin Akirot ngin.

Eebo, erai ngin ajulunet nakabeit naka anabi. Edolit ngin cut becebec. Eipone loepedoria itunganan anyara idiopet ebe, icetunganan, "enabi" kosodi atemar atiar, "ejaatar apukokinio nakaronon"? Eriakasi bobo kede akirot naka Okoku Lomam Edaun, itei ijo. Ianyu? Itei ijo, erai-erai e...Enabi akepolou "ekadwaran lokabeit, loabuni Akirot naka Edeke toma, abuni apukokinio neejai ngesi." Akirot enabi akepolou "amisiikinan loka Akirot naka Edeke." Abala Yesu ebe, "Arai ejai kakidingosikus loimoyoikit arai enabi, Eong Ejakait enerakinos kanges. Ido arai kitodolikininos nuinera ngesi, kiirasi nges, ajai Eong kanges. Arai mam itodolikininos, mam do ipupokinete nges." Odaun. Arai e-arai Akirot nakapedor naka Edeke, ido Akirot naka Edeke ebuni neejai enabi.

41 Kwana, abalas kesi ebe arai do ekanisa ngol apakio kangun "enabi." Kwana kiitu ebe, ejulakin anyoun araut Inikolain lu kwana, ejulakin kwana kiton "aberu." Itei ijo ngin? "Yesebel." Kwana, akuar natubor arai "aisisianakin naka Balaam." Itei ijo, "aisisianakin naka Inikolain" ka "aisisianakin naka Balaam."

Kwana, Balaam nges loabu kiswama adoteu kede Isirael. Ido inyobo apotu Inikolain kiswamata? Apotu kiswamautu erionget. Aso apotu kisimorikisi ngul kere nepepe ido kijaatar do aberu, "akanisa." Abeit cut! Apukokinio 17, "Nadote nakapolon naiboie kokuju naka akipi nui pu." Aberu, amalayat. Ingaibo ngesi, arai ebe eipone ali eraar ngesi amalayat? Ejai aswam adoteu, adoteu nakomoyo, aijul Akirot erono neejaas itunga. Konyoutu awai kaneejai ikerep ngul! Erai aikerepikit alopet. Edolit ngin.

42 Kwana, itei ijo, enyaraikina ngesi bon ebe anabi, "Erai isio! Irai isio atukot! Irai isio atukot naka Laodikia bobo, atukot naka itunga, ido icamanar nu, ka nu, ka kwa. Aso opupokisi isio!" Konye...

Abu esasedoti ngol-ngol kokuju kalailo kengitingit eong nuikamunitos Elizabeth Frazier, araibo apese ngin nako Frazier. Ebalas, "Ekoto cardinal ajenun arai ibuni ijo...arai ekaanyanaran, arai abu ijo ibatis apese na nako Frazier." Ebalas, "Ejai ngesi araun Atulikin."

Abu eong atema, "Eebo, amisiikinit eong ngun."

Ebala, "Ijo abu-abu ibatis nges?"

Eong ebe, "Eebo, ipa."

Ebala, "Eipone ali abu ijo kibatisa nges?"

Eong ebe, "Kotoma aibatisao Ikristayon." Uh-huh.

Ebala ebe, "Eebo, inyobo ipeleikinit ijo akiro kangun?"

Eong ebe aibatisao naka Ikristayon, koipone loebalar Ebaibuli. Ejai eipone ediopet bon loka aibatis kotoma aibatisao naka Ikristayon. Nginitunganan kotoma Obaibuli aponi kitulumoi toma akipi Kokiror loka Yesu Kristo."

43 Abu ngesi kiwadik, abu kogeu aiwadik koipone kangol. Ebala, "Ijeni ijo, amina ekanisa loka Atulik aiswam ngun."

Eong ebe, "Iwori?" Eong ebe, "Kijaar eong ekiro nukolo kere ne nuapedori eong adumun kere, anyoun ko London ka nginiboisit kere." Tetere eong esisiauni apak naedoluna esawa lo, apak naelosio icebore aiswamaun. Umm. Eong ebe, akoto eong-eong ajenun aibo." Ti eong alot...

Ebala ebe, "Oo," ebala ebe, "kotoma Obaibuli."

Eong ebe, "Ijo ibala ebe...?"

Ebala ebe, "Yesu nges abu itarau ekanisa loka Atulik erionget."

Eong ebe, "Biai Petero arai ipaapa losodit, apakio ngun?"

Ebala, "Noi noi cut."

Eong ebe, "Aomit do eong ebe mam ekanisa ibironor ido mam ijulanakin, ido ariamununeta kere enerai kotoma angajep naka Latin tetere mam ijulakin."

Ebala ebe, "Abeit ngin."

Eong ebe, "Eebo, abeit cut iswamata yesi aijulakinet anyoun apak kangin." Eong ebe, "Arai erai Ebaibuli ngol Eitabo loka Atulik, akepolou arai do eong Etulikit lomojong." Kasodi eong atemar, "Abeit cut abu eong ajaatar..."

44 Ebala ebe, "Eebo, kwana, itei ijo, erai Ebaibuli akiro nukolo nuka ekanisa loka Atulik." Ebala ebe, "Edeke kotoma okanisaKe."

Eong ebe, "Ejai Edeke toma AkirotoKe." Edolit ngin.

"Koraun Akakiro abeit, kosodi akirot naka ediotunganan aingal." Ido kane kotoma Oitabo kalo loka Apukokinio nges bon Eitabo (Ber eong enyogok ngin.) loabu Yesu kicikak Akekan toma. Ido ibore yenisodit yenabu Ngesi iswama nges apukor EdekeoneKe, ido iswamai Ngesi ngun cut. Kosodi atemar atiar, "Idiotunganan yenelemari idiobore awai naka Ngin arai aiyatakin idiobore toma Ngin, elemario kwape kwangin (atutubeteke) kotoma Oitabo loka Aijar. Kisirerengitai ngin yenesiomi, arai ngin yeniirari. Ido ikenitai ngin yenyatakini ibore idiopet toma Ngin arai alear idiobore kotoma Ngin." Ikoni nen, aso kiany ijo ewai lokaronon. Aso mam cut iyatakini idiobore neejai Ngini; kojalak Ngini koipone kalope ejaar, kosodi ainyikokin alosit ngaren.

45 Epukokini ijo Emoyo arai bon isalak ijo itidisiara, kilip Nges. Ianyu? Edolit ngin. Kwana, aso mam itolitolikina. Edeke...abu Yesu kisialamik Papa kanuka...kobala ebe, "Eyalama Eong, Papa, ebe ibwa Ijo akiro nu kakonyen nuka ikesisianakinak, ka ikaanyanarak, ka cardinals, ka ikaanyanarak lukapolok, kosodi-kosodi apukokin ludidik kwape kalu epedorete aisia." Ianyu?

Ngun kes ipuda ijo. Erai apukokinio naka Edeke na bon epedori abunore kwape kabalar Ngesi kane, "Ebalas itunga Eong ebe ingai?"

Kotema atiar, "Irai Ijo Okoku loka Edeke lokajaran."

Ebala ebe, "Simon, mam ijo isisiaunit ngun kotoma osomero loka ediini. Ianyu? Mam idiotunganan kilimokinit ijo ngun. Ebunit ngin, arai apukokinio kotoma Akuj. Toma atiida na adukokini Eong Ekakanisa, ido ikirigin da luka okatwak mam ipikorete Ngol."

Ngin cut nges apukokinio najaatar Abel kotoma ageunet. Erai apukokinio; apakio kangun, eroko erai apukokinio, ido erai duc apukokinio. Edolit ngin.

46 Kwana, ianyuni oni kane ebe arai ngesi aberu kwana, ido aberu ebwoikinit "ekanisa." (Biai ngin edolit? Kristo ebunit aomun inyo? Ateran, aberu, abekot naepwatunitai.) Ido aberu namojong kane, anyaraikina

bon ebe Ekanisa loka Edeke; konye, araibo ngesi ingai, eboie ngesi kotoma abar ka ilulun, ka nginibore kere, ido kitingite aikopo naka asilianut naka adoteuke nabu ngesi kitemerikina ikabakan kere luka akwap kanuka ekebinoke. Biai ngin edolit?

Kwana, ianyuni oni kane ebe naenyaritai "Yesebel." Kosodi Yesebel, abu Yesebel naronon kiswama, katipet akaulo naka alomar akidingos naka Isiraelin kangul, abu koar kes kosodi aiswamaikin idiobore kere yenapedori, kosodi-kosodi aiduk iketemuan alopet. Biai ngin edolit? Ngun cut becebec kes nuabu ekanisa loka Atulik iswama. Ngun cut becebec.

47 Konye kwana eyatakisi ber oni aisiom ngaren. Elosi na aitikokin ijo apolo mot. Acepakio ibwou ijo apolo, eraun ijo aiyatakin ainyam noi.

...naenyara bon ebe anabi, "Kwana, arai ebalu ngesi ebe, "eong bon nges ekejulan loka Akirot." Ido isisianakini, ingalaari da ikabulesin tetere edotearos,...ainyam nueinanakinio aputosia.

Onac ngol loengisit nuikamunitos "emun," nuikamunitos "ainyam araito kotoma omanikor loka Eden." Ijo itei naerai ngin (Mam ijo itei?) neabalar ngesi ebe, "onyam," kane. Naerai ngin, arai kotoma omoyo, itei ijo. Kosodi e...ido...

Abu kainak nges apak tetere itoronokin adoteuke-adoteuke; kwabo mam ekoto aitoronokin.

Koany, acakakini nges ojam,...(Ejamu loka eipone enyoin? Loka akwapin. Ngun cut becebec nges loerai ngesi lolo.)...kangul da luedoteete nepepe kanges acakakini toma aiticanio naepol, dimikito kitoronokinos kotoma aswamisioke. (Erai ngin alosit toma Aiticanio Naepol.)

Ido...aari ikedwe katwanare.

48 Otukui! Inyoboke? Ajaatar apese na namojong ikedwe. Kwana Apukokinio 17. Imwaasi bo idi kayesi...? Yesi kere ijaas ne akuar natubor, aomit eong. Eebo. Apukokinio 17, amalayat na namojong, ekanisa loka Atulik, anyaritai "Naadote," ido arai ngesi "toto naka nudotea." Mam apedori araut isap, araas ikanisan.

Kwana aibodo ejai ekanisa loka Lutheran, aibo elomunitotor lu kere? Aibodo elomunitor nginikanisa kere? Aibo ejai ageuneteke, Laodikia? Apotu Inikolain ongetakisi aiswamaun araun ngun; ngesi ibore ngipengin cut becebec bobo. Mam ijo ipedori aswam idiobore, apodokit. Oo, abu Eliya iworo asurwokin ibore ngin kotoma apakike. Abu Yokana iworo asurwokin ibore ngin kotoma apakikie. Eebo, ipa! Mam kereka yesi iomitos ibalas kotomakus bon ebe, "Kijaar isio Aburaam kwape papakosi: naarai atemar yesi atiar epedori Edeke aitonyoikin Aburaam idwe kotoma amor kanu." Ianyu? Mam epedorio aingarakin.

49 Kwana, ajaatar idwe. Biai Yesebel obe ajaatar idwe? Eebo, ipa! Kopupok:

...aari ikedwe...

Inyobo? Ekanisa loka Atulik, ikedwe nges ediini loka Proteatant. Itei ijo, erai cut bec, naarai iswamaete kesi ibore idiopet. Ibatisaikinitai cut tomake kede aibatisaokec naitegelikina, aibatisao naemamei kotoma Naiwadikaere; aijang akanin kanuka Emoyo Lokalaunan; "Papa, Okoku ka Emoyo Lokalaunan" Aibosit naka "Yesu Kristo." Ido iswamaete nginibore kere yenetegelikina kede Ebaibuli. Kwape kwangin! Ido elosete kesi cut tomake.

50 Anyaritai akokuke Atalia, A-t-a-l-i-a. Ajaatar ngesi ake...Aberu ngin, Yesebel, ido abu Atalia odukokinos ka Yekoram, okoku loka ekabaka loka Yuda, ido katipet abwoiete itemuan luka Baalim kotoma Yerusalem. Kwana, mam eyangaikini ijo alosit akiro nukolo kanuka ngun, Ebaibuli ngol. Ianyu? Akokuke, abu Atalia, kodukokin okoku loka Yekosapat, loarai Yekoram. Ido abu akokuke iswama ibore ngipengin yenabu ngin kiswama.

Oo, ikatunga! Ijo mam iseseni ngin? Kosesen eipone lokiswamata iriongeta ngul, inacan? Apotu kobongutu cut kotoma Luther kakes, cut becebec, kosodete aimorikikin nepepe aiboisit naka acamakin Emoyo Lokalaunan. Ido abu Pentekosit da iswama ibore ngipengin becebec. Mam kes apedorete acamakin Emoyo Lokalaunan alosit ngaren kosodi ayangar Ekewai, kosodete alosit ngaren; kosodi nginiica abunore, aingic ngin kede Akirot, kosodete alosit ngaren. Mam kes apedorete acamakin Emoyo Lokalaunan aingarenikin, ajai kes ayangar erionget kosodete atubor awai kama ejai idiobore kere yenabuni. Apotu cut kolototo kaitebeikin abongor kosodete aimorikikin toma obore ngin bobo! Cut becebec. Kidolok oni toma atur ngin, idareu ijo aidareun bon nuidaritos ijo kangina korot kane. Ianyu? Apotu kimorikikinos abongor cut bobo toma! Abala Yesu kane ebe, "Aberu ngin...Yesebel na, enyara ngesi bon ebe 'anabi,' ido acakakini nges toma ojam loka akwapin, kasodi aiar ikedwe da" (Kwana, naka eipone enyoin...?) "kede atwanare."

51 Ingobo...eipone enyoin loka atwanare naejai naebait ikedwe atwakare? Itei ijo atwakata kwana!

Atwakito komoyo! Emameotor kesi apukokinio! Ejenete kesi eriongetecec, ejenete kesi atikasimukec, ejenete kesi aisisianakinikec naka ekanisa; konye nakedolokina aijen Edeke, ice kotoma kakesi mam ejenete idiobore yenikamunit Ngol adepar kwape mam etunganan loelomunit ateker naka Hottentot ejenia nuikamunitos Akuar naka Omisiri; edolit ngin, nakedolokina cut toma aijen Emoyo Lokalaunan. Ingitanakinos; anayara Ngol...ekotosi anyara Emoyo loka Edeke "ekapwakan akiro nuka oingaren," arai "ejokit," loka...koipone loka amisiinikin imoyon, ka iboro koipone kangol, ka airengeanar ajokin. "Inyobo, mam nges erai loka oriongetewok. Atukos ngin, oo, brrrroo." Itei ijo, mam kesi ejenete aijen cut. Kosodete kesi aimorikikin Ngin kede e-ekiror loka "Jesus Only," arai eceipone loka "lukalaunak luibelibelos," arai-arai ibore yenika eiponece kwangin. Mam ejenete!

52 Ido eapie apak nealoesere aisideleleun ibore ngin. Edolit ngin cut becebec. Ebuni Edeke aswam ngun cut kwape kabwoio eong kokau naka elutaari kalo, naarai ebuni Ngesi alemun ikedwe kinga cut kwape kabwoio eong kanepokane. Edeke kotoma Akuj ejeni ngun. Yesi iyuuniyos eong araut enabi loka Ejakait, ebulesit loka Ejakait, aso kopupokis eong. Eyapikinit aberu ngin noi. Eebo, ipa.

53 "Adweke eponio aiar kede atwanare nakomoyo." Kosesen kes: elilim ido koraas luka einono. Kosesen ber ijo e...kosesen ber ijo awok...Mam ebeit oni einer nuka Baptist, ka luka Presbyterian, ijeni oni adautu kesi ikar etwakito. Inyobo...

Neabu Luther kojaunotor kede aisikwarunioke, aitojokio, korai ti komam nges...korai ti nges kinyikokinite alosit ngaren, aikunyakinet na nakapolon naka Pentekosit kwana abeit ti korai ekanisa loka Lutheran. Mam ti Aica ebunit kanuka aitalaunio, korai ti Wesley kotupakinite toma. Nges...Luther mam apedori atupakin ngun. Mam, ipa, edaunitos kesi araut Lutherans.

54 Aso do kobuni Wesley. Akaulo natwania Wesley, aso inyobodo abu kiswamaun? Apotu kesi itarautu ngol erionget, kosodete aiswamaun Methodists luka Wesley, Lukasonya luka Wes-...Oo, iponosio kere luka Methodist. Ianyu? Ido neabu...Ajaatar aisikwarunio nakaumokin, konye nakecakakiniata kesi toma orionget, inyobo abu iswamaun neabu Pentekosit kobunio kinerasi kotoma angajepa ka ayangaun ainyakakinio naka ainakineta? Mam kes apedorete aikunyakini; apotu konyarata ngul ajokin.

Kwana inyobo eswama Pentekosit? Ibore ngipengin yenapotu ngul kiswamata! Ido aibo ejaas kesi kwana? Etwakitos kwape esumaalit loka okek. Eebo, ipa! Cut becebec. "Acakakini nges ojam loka-toma ojamu loka atwanare, kasodi aiar kes." Eebo, ber-ber eong asiom ngin tetere ijo ianyuni kane, ayuunit eong ebe arai ekokoro loka 22:

Koany, acakakini nges ojam ka ngul da luedoteete nepepe kanges acakakini toma aiticanio naepol, (A-Aiticanio Naepol)...

55 Ngun kes elosi ngesi aitor toma. Kwana kiitu, ber eong abwou kane ipak edit, Aiticanio ngin Naepol nges ngul-ngul luelosio acakakin toma ngina, erai itunga ngul lueraas abekot naejotoi luamameotor akinyet kotoma atalaikec; konye kereka kojaas orionget, itunga lukajokak, alosenete okanisa, nginibore kere; konye apotu kesi kopotu amoun akinyet, konye eapitos noi kapak kangin. Itei ijo, acakakin aberu ngin toma Aiticanio Naepol, ebuni ngesi alosit toma ngina, elosi ekanisa loka Atulik toma, ikedwe kere elosete toma kanges, toma Aiticanio Naepol.

...dimikito kitoronokinos kotoma aswamisiokec.

Mere-mere idwe luejaas toma ngina; konye ekanisa elopet, ikedwe ngul (nges erionget), mere itunga luejaas toma ngina, bala Itulikin lukican, Baptist, Presbyterian, arai luka Pentekosit. Etimit eong kes. Bon, "Eebo, eong..."

"Ijo irai Ikristayot?"

"Ijeni ijo, arai eong loka Presbyterian." Oo!

Mam ngin erai ibore yenitegelikina adepar anyara, "epege loenapit eicolong loiboiere kokuju naka asigiria ebe erai asigiria nailaganere." Aso inyobodo kotoma akwap tikiswama ijo kanuikamunitos ngun? Inyo? Emamei ibore cut. Mam eong apeleikinit eyala, erai ngin...mam na erai...mam erai aiboisit naka eyala, erai lo-erai lo Eijiri. Ianyu? Akoto bon eong ainakin aitodiaret. Itei ijo, konye ngin-edolit ngin. Itei ijo, emameotor kesi-emameotor kesi ibore yenebeit aswam kede Ngin idio da.

"Arai eong loka Epetekootit."

Emameotor ngin idiobore yenebeit aiswamanaror kede Ngin idio da. Ipedori ijo ajaun toma oriongetakec akaisaongon ka lutomon ka ludiopet, konye biai ijo irai ikoku yenika Edeke yeneurunitai irwan nakiareit? Abeit cut, ijo imina nginitunganan kere kede ekonitau kere, kede akonijar, ido komina Edeke, ido nginipaaaran...mamace nuiswamaikini ijo idiotunganan? Arai kigat ijo kosodi atemar, "Uumm!" bala eraada loitwasamai akim, itodunit ngin ebe abu Emoyo Lokalaunan konyou, arai kibu ijo kojaunatar ka Ngol.

56 Koany:

...dimikito kitoronokin kotoma aswamisioke.

Aari da ikedwe kede atwanare;...

"Ikedwe," luka Yesebel. Kwana, inyobo abu Yesebel kiswama? Abu kitudukok akokuke toma adoketai nace (naka Yuda) kalaije, kalaije ko Yuda. Kwana kosesen aitupuset nakomoyo. Aticepak apedori eong ainomun ngin. Kane, kongicak na ejok noi kwana:

Yesebel na ne, ka Isirael. Konye Yuda na ne, atupuset naetegelikina kalaije, kaneejai ece; erai lo loka Yekosapat kalije. Eebo. Kwana, lo kane arai Akab; kwana Yesebel na toma ne. Kwana, ebuni ngesi toma ne kosodi adupor Isirael kere alosit aima aputosia.

Ngun cut becebec kes nuabu ekanisa loka Atulik kiswama kokau kotoma apaarasia nuabu Constantine kisimorikina Inikolain (itunga luelilim luka einono kotoma kalailo) toma-neejai ekanisa ka akapirione, kosodete aiswamaun eipone lokapiirit loka Ekristayone. Mam eong akoto aitakadikin yes, itunga luka Atulik, konye ikamunitos eong akiro kakonyen nuka Edeke. Kesi ngun kere nuerai ekanisa loka Atulik, eipone lokapiirit loka Ekristayone: aibe ka aputosia, ka nginibore kere. Edolit ngin cut becebec, eipone lokapiirit. Kwana, abeit ngin. Arai ebeit eong atwanare kotoma adakikat na, erai ngin abeit. Ido luka Protestant da cut toma ibore ngipengin, bon ebe erai kotoma oiponece.

57 Kwana kosesen nuabu Yesebel iswama. Aso, itei ijo, a-ajokit...Arai ngesi nainakina, abu ngesi koleman adweke. Ajaatar ngesi akoku naponi kourunai kane, kosodi akoku alosit laillo neejai etunganan lo lokapolon lokalaunan kosodi ayangar ka adukokin okokuke; kosodi aitolomun ibore ngipengin kotoma kalailo kaneejai Yekosapat, kalailo kotoma atutubet kana.

Kwana, Inikolain obe, Inikolain, luelilim luka einono luakotosi erionget ngol, apotu kimorikinos tomake kane. Ido kwana koany ibore ngipengin. Apotu kolemutu Yesebel kane (ekanisa loka Atulik), ido kokwap kailailo kolemoni ngin akokuke (ikeriongeta) kosodi aimorikikin ngin cut tomakec kokwap kalailo, kosodi aswamaikin kes ibore ngipengin. "Aari ikedwe kede atwanare," atwanare nakomoyo. Atukonokin kes neejai atwanare, ido ibore yenisodit yenijeni ijo, adau Emoyo kere anyoun.

58 Kolimok eong. Eong ber kengit yes ibore idiopet, ediosisian loka akiro nukolo kane, ajeni eong ejaas ikany arai ikanykape kayesi iboiete kane. Akoto yesi abunore kosodete aitodikin eong Naiwadikaere adiopet arai-arai ekokoro ediopet loka-loka akiro nukolo, neabu edio kotoma okanisan kangul luapotu kibiroros kosodete abongor toma orionget kes ikulepek, ejaunar cut tope kesi kede aisikwarunio akaulo naka kes araun arionget? Mam ipa! Abu Emoyo kojaj kes. Emoriarit eong Pentekosit.

Neabu arereng naka Opentekosit kibirunor, kosodete yesi kere einer kotoma angajepa, yesi ikeyuunak lumojong, ajaun kede Arerengusio ngun nukapolok nuka Opentekosit ka aiboro, adounete. Akaulo naka apak naedit apotu yesi kojaunos kede ibore yenyaritai ebe Atukos Naimorimorit. Itunga ejokuka ngul, konye mere erionget. Ibore yenisodit yenijeni ijo, mam yesi apotu kopedosi atitingikin ngin, ajai yesi abongor cut kosodete araun "ikoku yenika...Satan," kosodete araun erionget.

59 Kosodi Aica alomun, kaneejai Ekiror loka Yesu Kristo. Kosodete kesi aisigakin kere, kosodete atemar atiar, "Kisirengitete Edeke, arai emameotor ijo ekiror loka Yesu, ilosi ijo ogeena. Ido kijaar isio Ngol, ido imameotor yesi Ngol." Inyobo apotu kesi kiswamata? Apotu kotwakikisi nepenen toma orotokec; apotu kiswamautu erionget kotomake. Ianyu? Aiboisit naka ainyekikin Aica alele ngaren kotoma okanisa, ti eyanga akeiboisit alopet bon. Konye apotu yesi koraunos erionget. Inyobo ngin? Ikoku yenika Yesebel. Kosodete kesi kere atwakare nepepe.

Kwana akoto eong aingit yes icebore. Biai luka Assemblies of God, arai luka Oneness arai-arai edio kotoma kakesi enyounitotor tope kotoma aisikwarunio naimorikikina? Mam cut! Aisikwarunio nakawasia atubor napena, nabu Emoyo Lokalaunan kobunio kwap kocilet (luipu kotoma kayesi luiboiete kane kwape kwana) kokaru 1933, ido aijaanakin na nakapolon abeit aiswamaun, ebala ebe, "Abuni ngin apiar akwap," ido mam cut abu kobu kotoma orionget edio loitegelikina nepecepe da. Abu Edeke koloma kinga naka ayait kosodi aitonyoun ekapiirit, nepetai, kanu aitegear aisikwarunio ngin. Ido koany nueswamau! Ianyu?

Iriongeta ngul, katipet akaulo naka kes araun erionget, kotwakete. Abala Ngesi ebe, "Aari nges ka ikedwe kede atwanare." Oo, ikatunga! Ajeni eong yes...Elipit mam ipupunete erono kanukang, konye eong...Arai ajeni eong Nu kasodi eong mam alimun Ngin, arai do eong loka esoswamai lokwap, ido etubokini Edeke eong kanuka Ngin. Akoto eong araut bala kwape ka Paul, "Mam eong abu kenac alimonokin yes ainerun kere naka Edeke." Edolit ngin. Eebo. Eebo.

60 Kwana, kosodete kesi aiduk itemuan toma Yerusalem. Kwana akoto eong aanyun...Ido neadukokinitor Yesebel kede Akab, abu ngin koyangau aputosia kanuka Isirael akukonokin. Kwape kwangin abu aisisianakin naka Inikolain da kiswama, amorikikin toma okapirione; apotu kolemasi Jupiter, kitobwoete Petero; kosodi Venus, kiton araun Mariam; ido kwape kabalar Ebaibuli, "Abu kidupo Isirael kere adiakar."

Kwape kwangin eduporio ekanisa da loka Atulik adwe kere aimorikikin toma orionget, ido ibore ngin kere erai adiakar, bala kwape Yesebel neejai akokuke. Eebo. Ido kotoma aswam nu nakesipokinere adokena nukapolou, kosodi ipaapa Boniface-Boniface III ayangar ekeicolong, kosodete kesi ajaun kede edeke kotoma oicolong, amameotor do bobo kesi kede ajokis naka Emoyo Lokalaunan kotoma okanisa. Edolit ngin. Adumutu kesi ikcetalesio ka inonosio, ido elosete ngaren.

61 Ido neacamuna erionget aisisianakin ngipengin, apotu kesi kirengeasi kinga alacakina naka Emoyo Lokalaunan neejai ekanisa, Baptist, Presbyterian, Methodist, kaiceda. Apotu kesi abeit cut kiswamata ngun! Ido motimot iseseni oni kes ejaas arinyor ka atwakare bala kwape abalar Yesu nuikamunitos emusabibu. Kwana, Emoyo Lokalaunan kere kotoma aanyununeta ka nukaumokin aponi kinyakarai kau toma apaarasia nuatuboros. Ido abarata kesi, kwape abu aberu ngin kiswama. Aso abu ngesi idupo akwap kwre adiakar, naarai alot ngesi nginikwap kere, nges ka adweke. Edolit ngin.

Kwana kosesen Ngesi enyarai ngin kotoma atur ace naka ekanisa kwana. Kosesen Nges enyarai ngin. Kosesen Nges ingaingaitoi kane kangeset, kosodi alemar awai atongotoKe, "kanuka Luseuna," idis bon, tetere mam itajario adiokuan arai...ice mam.

62 Kwape kiwadikaterere kotoma Apukokinio 13:6. Ekotosi yesi alosit toma ngin ipak edit? Neabalar Ngesi ebe Nges...ebe "Abu aberu na koinak kere adumun emacar (abu etiang iswama), abu idupo kere adumun emacar (Lukican, lukapolok, luaraas kesi kere), emacar loketiayang," loarai Ekanisa loka Iromayon loka Atulik.

Erai ngun araibo apotu kiswamautu aput...Apukokinio 13:14, apotu kesi kiswaikisi etiang aput. Ijo-ijo...Aomit eong yesi kere isiomitotor ngun, arai mam ijo isiomitor, inyo, ibuni oni apukor kasodete aisiom. Apukokinio 13:14:

Itapaari da luiboiete kotoma akwap, kanuka aanyuneta nukeinakinitai nges aswam kakonyen nuka etiang; (Erai ngin aimorimorun na naka ikanisa)...aswam kakonyen nuka etiang; elimokini luiboieite kotoma akwap aiswamaikin etiang ngol aput, loaponi kobelitete (ekapirione)...kekileng, kojara...(kotoma luka ipaapa, Roma nakapiirit kiton Rome naka luka ipaapa. Ianyu?)

63 "Aswamaikin nges aput." Inyobo ti ebuni ngin araun? Cut bec nuejaas kesi aswam kwape kwana, cut becebec, alosit toma amorimorun naka ikanisan, "Ikanisan kere ejaas toma orionget lo, kere elosete toma atukos adiopet." Kwana ejaas kesi adumun Ebaibuli. Ido abu ipaapa Yokana isukuny kes kere abongun. Ekaanyanaran lokapolon lo Canterbury, kere elosete anatar. Ibore yenisodit yenijeni ijo, nginibore kere ebonguni cut neejai Toto, naarai eraas kesi amalayan kageunet ber sek. Ianyu? Ebalas kesi ebe, "Ibuni oni kere aimorikikin nepepe toma opelu ediopet lokapolon aitiji Communism." Ido komam ejenete ebe Edeke etonyouni Communism (apedori eong aitogogong kotoma Obaibuli.) kosodi da aibwaikin toma aijenekec ainyang lukalaunak, kanuka aokot nuapotu kesi kobukosi kotoma akwap. Abu Edeke kitemok Communism, kwape abu Ngesi kiswamaikina Ekabaka Nebukadanesar kanu-kanu alecor Isirael. Abu Ngesi kitonyou Communism, ido kapaaranace ebuni aduor Rome alemar awai naka akwap. [Aiboisit naemamei ibore katepu-Ekewa.] Ibecokina ngin cut noi. Abala Edeke kwangin. Edolit ngin.

Etoronit eong Communism, erai naitusurupit Edeke. Abeit cut itusurupit. Konye mam inganyakini akonye neejai Aigalisit ngin Nasuat, konye kosesen aigalisit nakwele. Kosiom Eitabo loenyaritai Foxe's Book of Martyrs ido ibuni ijo aanyun nu, edolit ngin.

64 Kwana aanyutu ber oni neapotu oni...Kosodi ijo aanyun kane kwana ebe abu ngesi kidupo kere (lukabarak, lukican) adumun emacar; konye ejai atukot adiopet namam aberu ngin apedori atiror. Ijo ijeni ngin? Apukokinio 13:...8.

Kopupok nu. Kinyek eong asiom nu:

Abu kaany etiang edokuni kangolol, ejaas ka amumwara atomon ka akwes akanyaarej,... amumwarake da ajaas amekemeken, akwesike da ikiroria luka ainyanakin. (Eraas ngul irongan ikanyaarej; apotu oni aanyutu ngun kere akuar natubor, ijenete yesi.)

Koputosi da etiang loabu kaany bala eris,...ka akekeje da bala-bala nuka edubu, akeitik da bala...aituk naka engatuny:Abu apiu (Naerai ajokit narengan nabwoi koingaren naka aberu kanu anyamar ikokuke, naerai Rome, ijeni oni kere)...koinak nges apedor, ka eicolongoke, ka apolou da naepol.

Kesubit adiopet kakwesike bala ebelitai angole naka atwanare; (ekapirione, itei ijo)... konye kongaleu angole naka atwanare: (luka ipaapa aburokinete ngin, imorikikinitai kede Ekristayone, kede Inikolain)...kotupa akwap kere etiang eumokinit

Aloma Etulikane toma nginikwap kere kokwap naka akuj. Abeit ngin. Kwape alimunitor Daniel nuikamunito asuat elosi araun elupe, kaceda.

65 Ido abuni eong ainakin ijo ibore kotoma ngun, ebe "Asuat ka elupe." Ijo abu komisiik, araibo eong asiomakinitor yesi ngin, kotoma atukonokin ngin nakapolon natubor najaatar kesi kalailo neabu Khrushchev kolacunia akemukat kosodi ainomia emesa? Ajaas akwapin akany nuka okide etukokina ngina, ajaas akwapisinei akany nuka oto. Khrushchev nges engarenikinit akwapisinei nuka okide, Eisenhower nges enagerenikinit akwapisinei nuka oto; ngun kes ingarenok iarei lukapolon, ibokor iarei lukapolok. Khrushchev, ko Russia, akepolou "elupe." Eisenhower, ko Amer-...ko Bulaya, akepolou "Asuat." Kijai oni awasia.

Komaata itunga apiu naarai abu koinak etiang apolou: ido...(Ngin nges aisiraretewok naetupakini kane okanisa, imisiikinitos yesi.)..komaata da etiang, kobalas ebe, "Ingai bo eputos ka etiang ngol, ingai da epedori aitiji nges?"

Kotoma akiro ace, kongolia ne. Ejaatar-ejaatar Eisenhower ekiror loepol kane ko United States, konye ko Rome mam nges erai idiobore, Russia, mam nges erai idiobore. Epol Khrushchev ko Russia, konye ko United States mam nges erai ibore. Konye ejai etunganan ediopet loepol kanginiboisit kere, ngol nges ipaapa (Abeit ngin.) "Atukokinos nepepe, kasodete aimorikikin nepepe."

66 *Aponi koinakinai apiu aituk nainera akiro nuepolok...ka nuka ainyanakin;...aponi koinakinai da apolou aswam ilapio akaisaongon ka luarei.*

Koong da akeituk ainyanakin Edeke, (ido (aisisianakin aicorakineta nuka itunga; luemositos, luiketara, lueminas aitelelio; ejaas ka aput naka ayongit Edeke, kongeritos Akepedor)...ainyanakin da ekekiror, (Abu koleman, Papa, Okoku, ka Emoyo Lokalaunan." Ianyu.)...ka ewemake, kes luiboiete kotoma-kotoma Akuj.

Aponi koinakinai nges ejie ka lukalaunak, (nen kebunio areo alomun)...ka aipikor kes, koinakinai da apolou kotoma kanginiteker,...ka itunga, ka angajepa.

Emaete nges itunga kere luiboiete kakwap-akwap, ngul lumam iwadikatai ikiroriakec toma Oitabo loka ajar loka Imerekek yenaponi koarai, eringa epesikina apetetait naka akwap. (Oo, oo, oo, oo, oo, oo, oo.)

"Ageun apetetait naka kwap." Ikiroriawok, arai apotu kojaas toma Oitabo, aponi kibwaikitete kokau ngina. Abala Yesu ebe, "Emamei itunganan yenebuni mamaKang dimikito kenyaaraunit Papaka ber, ido kere luainak Eong Papa epote mamaKang. Akamerekekin iirarete Ekaporoto," (Lu kes inyammat, itei ijo.) "ido elongwau..."

Akepolou epedori do nges atemar atiar, "Eebo, abu eong aloma okanisa, ajok eong kwape kajo." Mam ngul eraas Inyammat luka amerekekin.

Inyammat luka amerekekin kes lu, "Aiboi nepepe kotoma aiboisio nukotoma Akuj kotoma Kristo Yesu." Oo, eumokina Ngesi noi! Biai mam? Eebo.

67 Kwana kangetakis ber oni katipet noi naarai erai, eebo, atubor apak kwana. Eebo. Konye abala eong ebe..." Aanyutu ber oni kwana, kijaar eong loka 23:

Ido aari ikedwe katwanare; Ejenunete ikanisan kere ebe Eong ngopengol loererei aomisio ka itaun, eong da ainakini nginidiopet kayesi kwape ejaatar aswamisiokus.

Konye kabala yes ice luijaas Suatira luemamei aisisianakin ngin kere,...(Eipone aisisianakin ani arai ngin? Erionget, ikaanyanarak, ka ikaanyanarak lukapolok, ka luka ipaapa, itei ijo.)

"Mam kereka aisisianakin na." Kwana, Ebaibuli, kipou adumutu akuar natubor ebe Isirael, abunore aitorun Moab, mam kes araas akwap. Eboiete kesi kotoma akwap, ido araas kesi itunga, ilajaara. Biai ngin erai abeit? Aitupuset; ikejobirak, kotoma oweman kaceda. Atukosia nuka Pentekosit, ijobiraete anyoun aiboisit kiton aiboisit. Ianyu? Eebo.

68 *...luemamei aisisianakin na (konye apotu korautu erionget, ka aiswamaun erionget lokapolon kotomake)...luimameotor na...lumam ijenete nuidulok nuka Satan,...*

Kwana kiitu kipou oni aanyutu neajai eicolong loka Satan. Akuar natubor kipou oni abongosi cut kiton ageunet. Aibo ajai eicolongoke kageunet? Babulon. Ido Babulon...Neabu adoketait naka apolou, esasedoti lokabala lo Babulon, nearukioroto nges Ikaludean luajaas aikamar, abu ngesi kobu Perugamo kosodi adukun akeicolong. Itei ijo, abu kijula ekeicolong anyoun kakwap naka Sinar kiton Perugamo. Kipou oni kasiomata ngun cut kotoma akiro nukolo akuar natubor. Ido eipone loabu ngesi kangina kogeunia, aiswamaun ekanisa loka Atulik, loeroko erai Babulon nakageunet. Eebo, "Eicolong loka Satan."

...ka eicolong loka Satan, kwape ineratar, mam ebwaikini yes abwokon ace.

"Emameun bobo alangir ace; ngipengin bon napekijaatar yesi." Idis lu luejaas toma ngina, itei ijo, kere

luerutun kinga kotoma Aturio kanu Nukamuton. Kwana eapikinit noi ikar elukumit akwatakany apotu kitoroto toma ngun.

Nabarai kikamut noi yenijaatar kiton naabunio. (Kakiro ace, "Kijaatar yesi Arereng nako Pentekosit eroko ejai otuonokus. Kikamut ngin kiton neainakina Eong yes aiyengun, naarai ebunit atur naetupakini kotoma apak naetupakini.")

...ngin yenipikori ka aricit aswamisioka kiton awasia, ainakini nges apolou kama ejaas atekerin:

Nges da icokiei kes kebela loka asuat, kwape ebwangabwangatar amoti nuka ekajejan, kwape kainakinia da Papa eong.

69 Itei ijo, Ekanisa ngol, ikonakini ai kenyou Atur ngin Nakamuton aibwo kotoma otube aosian atukos ngin naka ikapirin luka...kokau kangina? Kesi eponio aicakicakar! Akeje ngun nueraas aikomon epote aipudapud cut kotoma kangina, alimokini eong yes! "Ebuni amunyumuny kes kiton aitamaran," abala Ebaibuli.

Eong da ainakini nges etop. (Ijenete yesi naerai ngin, mam tape yesi ijenete? Kristo nges "Etop." Eebo.)

Ngin yenejai akit, kopup nuelimonokini Emoyo ikanisan

70 Oo, ikatunga! Biai mam yesi iyalamasi! Eap apak mot. Kijaar eong adis nuyatakina, akamari do eong kanen arai akuar naka moi, kotoma kanu nuka ikar ilukumin iarei ngul.

Konye erai Ngesi apecelit naka Aditot,
Aaceret Naecai naka Atupuruc,
Erai Ngesi loitelekarit kakere kotoma olukumin itomon kotauka;
Apecelit naka Aditot, tomake bon asesenia eong,
Kere nuepuda eong...kosodi ailelebikin eong cut ejok.
Kotoma aiturur Nges erai ainapakinika, kotoma ationis Nges erai atitinguka,
Elimonokini Ngesi eong aibwokokin Nges nginilangir kere. Aleluia!
Erai Ngesi Apecelit naka Aditot, Aacerit Naecai naka Atupuruc,
Erai Ngesi loitelekarit kakere kotoma olukumin itomon kotauka.

Ijo imina Nges? Oo, eong:

Amina eong, eong...(Kwana kamaata Nges kwana, Akiro ngun kere nuewaniwanete ka Aisiraret.)
Naarai abu Ngesi kageu amin eong
Kosodi aitac akaitajario
Kokitoi lo Kalvari.

71 Biai mam kereka Nges eumokina! Amina eong Nges. Kwana, iboro luabu eong atwaniarite adolokin toma, epote ajaun toma otabon, ejena ngin, naarai mam oni ipedori ayangaun atur kere naka ekanisa kotoma akuar adiopet. Abu eong asub bala asililingi ngin mot atibong na, kanu naarai aorokinit mot. Konye, oo, mam kereka Nges eumokina! Oo! Umm!

Ejaas itunga nepetai nginiboisit kere,
Luelikanete ikecetaun,
Kede akim nabu kibirun ko Pentekosit,
Naabu kitesega kosodi aitalaun kes;
Oo, enokie kwana kotoma otauk,
Oo, aibuses kojai neejai Ekekiror!
Eyalama eong noi ebe apedori eong alimun arai idiopet kakesi.
Oo, idiopet kakesi, arai eong idiopet kakesi,
Eyalama eong noi ebe apedori eong atemar arai eong idiopet kakesi,
Idiopet kakesi, idiopet kakesi,
Eyalama eong noi ebe apedori eong alimun ebe arai eong idiopet kakesi. (Yesi iyalamasi?)

72 Eitunit eong abuni eong ko Chattaanooga akuar adiopet; ido kojai edege kwap ko-ko-ko Tennessee, kokwap kalaije ko Memphis. Apotu kebwaikin eong toma ooteri ngol loti, loelai kangina. Kosodete aiworokin eong, ebe, "Elomari edege kinga ko-kosawa ediopet, atupuruc naetupakini."

Ido ajai eong ayangar ecebalua aibwaikin asaduku naka ibaluan; abonguni eong ore, aiwadik abongokin ice kotoma opaperoka. Ido alosi eong ngina, abu Emoyo Lokalaunan kotema, "Kinyikok alosit." Inyikok ngaren, abu eong adolok odistrikt loka ikariokok.

Ajai eong abwoi kokwap kangina, abu eong aomoom ebe, "Ikatunga! Ongolia ber ijo ne, erai apak naka edege ngol alosit."

Kosodi Emoyo Lokalaunan ainyikokin einer ebe, "Inyikok alosit." Bala kwape abu Ngesi kiswama kamagoro kapaaran kaya kalaije, ijeni ijo. "Kinyikok alosit." Aso abu eong enyikok alosit.

Abu eong angolia awai kwap laije, toma togo ediopet loka ikeriokok neeboioto itunga luriokok, lukican, kokwap kalaije. Ija namojong Jemima, aputos kede, kede esaati loasubit bala loka esapat eenikitai akouke, ogonga kaneejai...koipone kangol.

Ido ajai eong alosit kosiep kangina awoi:

Arai eong...idiopet kakesi, arai eong idiopet kakesi,
Eyalama eong noi ebe epedori eong alimun ebe arai eong idiopet kakesi, Oo, Aleluia!
("Ido inyobo ikoto Ijo, Ejakait?")
Idiopet kakesi, arai eong idiopet kakesi, (Yesi iyuunitos toma aingarenikinio kede Emoyo? Eebo, abeit cut.)
Eyalama eong noi ebe apedori eong alimun ebe arai eong idiopet kakesi.

73 Adaunos nepetai ikar itomon ka luongon kwana. Aseseni ngesi kinga naka aigalunet. Aapikinit eong nepetai, oo, atutubet naka arwatat naka eibuga anyoun kama ajai ngesi, kasodi eong aanyun amucalat na namojongit, narionon eseseni eong cut kokwap, ijeni ijo. Eebo, abu eong enyikok ngaren, abu apala awoere, ageuni alosit kwap. Abu eong adol kosiepike, akiyo nukapolok kotoma oitinyon kangul lutiek; abu kongolia eong, ebal, "Yoga atupuruc, Etunganan loka Edeke!"

Abu eong ebelokin kasodi atemar atiar, "Biai bo ijo, Ija?" Kosodi ngesi atemar atiar...abu eong ebelokin, ajai ngin akena, ajaatar aiyalama anatar ereeteke kere. Eong ebe, "Eipone bo ali ijenuna ijo ebe arai eong etunganan loka Edeke? Kalaije ko Angalakimak, ijeni ijo, ekalimonokinan erai "etunganan loka Edeke?" Ebal...eong ebe, "Biai bo ijenuna ijo ebe arai eong etunganan loka Edeke?"

Ebal ebe, "Abu eong ajeni ebe ijai ijo abunore!"

Kasodi eong atemar atiar, "Eipone ali ijenuna ijo ngun? Ijo ijeni eong?"

Ebal ebe, "Mam, ipa." Kosodi aberu ngin atemar atiar, "Abu eong ajeni ebe ijai ijo abunore." Ebal, "Ijo ipupunitor akiro nuikamunitos aberu Asunamit?"

Eong ebe, "Eebo, ipa."

74 Kosodi aberu ngin atemar atiar, "Ijeni ijo," ebal ebe, "Arai eong eipone loka aberu kangin." Ebal ebe, "Kosodi Ejakait ainakin eong imukeru, kasodi eong alimokin nges...alimokin Nges ebe abuni eong aitopoloun nges." Ebal ebe, "Arai eong aberu naka ican. Elosi eong iboro ido eswamai da kanuka itunga lukakwangak kanuka ajaria." Ebal, "Kasodi Ngesi alimokin eong ebe einakini Ngesi-Ngesi eong ikoku, kasodi eong alimokin Nges ebe abuni eong aitoploun ikoku." Ebal ebe abu eong etoplolu nges jokan koipone loabu eong ajenia kere, konye" ebal, "Etunganan loka Edeke, abu ngesi kodum ipaup lokarokok. Abu kodum adek, ido mam isio ijeni idiobore yenikamunit ngin." Ebal, "Adoloki toma adoketai nakaronon. Ido ejai atwanare, kotoma kangina kojamu." Ebal, "Iiloro ngesi kwana, adaun apaarasia aarei." Ebal, "Abu emuron kobu kosodi atemar atiar, "Adau anyamar eketau kere kaceda, aloma toma aokot, erono noi kiton neamunaara nges; aso ibore ngin yenaponi koinakinai nges mam apedori aingarakin nges kwana." Kosodi atemar, "Ejai atwanare." Kosodi atemar, "Mam eong apedori atitingikin aseseni nges etwani, erai ekadiakanaran." Kosodi atemar atiar, "Elip eong kasodi ailip," Ebal, "akuar ekia ajai eong ailip." Ebal, "Iiloro, mam ejeni idiobore." Ebal, "Mam nges ejeni adaun apaarasia aarei."

75 Ebal "Abu eong elip, eong ebe, Ejakait, Ijo abu koinak eong ikoku ngin' kosodi atemar atiar, 'bala kwape abu Ijo kiswamaikina aberu Asunamit.' Ebal, 'Aibo ejai EliyaKon? Aibo ejai..? Ebal, "Eebo, aibo-aibo ejai icebore kanu aingarakin eong?"

Kosodi atemar, "Abu eong ajotor kakunginika." Kosodi aberu ngin atemar, "Abu Ejakait kenerakinos keong, kotoma airujasitika," kosodi Ngesi atemar, "Koloma kinga kosodi aibwo korute. Ido ebuni ajaun etunganan loebuni kalaije korot, konapite akopiira narengan ka esuuti lorionon.' Ebal Ngesi ebe, 'Inerakinos ngol kajo.'"

Kosodi aberu ngin atemar atiar, "Ajaun eong ne abwoi ageun eroko akwap acauna." Ido apalal epurake akopio. Kosodi ngin atemar, "Kasodi eong aanyun ijo ibuni kede akopiira ngin nakarengan," ebal, "konye abeit ti ijo odakite aikapo."

Eong ebe, "Abu eong ajalak kooteri." Ianyu? Kasodi eong atemar, "Edeka etelepatakon?"

Ebal, "Ejai atwanare."

Eong ebe, "Ekakiror erai Branham." Katema nges atiar "Ijo ijeni eong?"

Ebal ebe, "Mam, lokapolon, etunganan loka Edeke Branham, mam eong-eong apupunitor nukon."

Eong ebe, "Elipankini eong lukadekak." Mam nges apodokinit ngun. Mam nges akoto esapat atwanare, erai ekadiakanaran.

76 Abu eong aloma toma; ajaatar kesi erute loamojongit ngina kede epeeta kotomake kanu aijerar ngol ainyakar kau (aticepask luipu kayesi itunga luka Agolitome mam ipedorete aijen naerai ngin), konye, kanu aidarit erute kogolol. Kasodi eong alomar toma togo, toma mot, igolai iarei ludidik, luamojongito (asubit bala... loinyarit oni ebe "itogo yenediding ipu agolaik"), eboie kangina; ajai agoola ne, ido arai ngin agoola naiboiere, agoola naeperio, ka kere nepepe; ka epiibiro kokau kangina. Nealomaria eong toma...Arai aiboisit naesutakitai eriagi loakwangan, ido ibus, igiritete osiepon, ka abao. Aso do...Mam, acamunit eong ajaatar ngesi apapula kokuju naka atunuruke, eitunit eong abutununeta bala nuka akopio, ikajasi kokuju naka ngin.

77 Ido nealomaria eong toma, ajai aanyunet ikaja kangina kotoma okek kangol, ebala ebe, "Kisirereng Edeke Ekalekosi." Kanepokane cut kokoona ajai etada kalailo, kosodi ediopet kalailo. Aperi ekesa lokapolon loti (amamei karaida adipacit kokwap, esapat lokapolon loti, ekesa loti loasubit bala esapat ebwoi kangina. Aomit eong ebe arai ngesi e... loka alangir naka pounds akwatat akaisakanykaarei arai akaisakanykauni, koapikinite ipuutin ikanykape. Ido etingit ngesi ebilangiti kakanike, kolosi, "Uum. Uum."

Kosodi aberu atemar, "Ikoku atoto."

Kasodi eong aoomoom, "Ikoku atoto." Ido kereka abu ngesi-ngesi kojaatar adek, esipilis. Ido kojai atwanare.

Kosodi ngin ainu nges ngaren koreeteke, kosodi aibapun nges kwangin, ebala, "Totoke ikoku."

78 Inyobo, abu ekatau kopolloor. Abu eong aoomoom ebe, "Eebo, mamace arai ilumorit ijo biai kotoma adiakar, iroko ijo irai ikekoku." Kwangin abu do eong aoomoom, "Itei ijo, mamace arai arono ngesi biai, eroko erai 'Ikoku atoto.'" Kasodi eong aoomoom ebe, "Abala Edeke ebe, 'Imurwokini toto ikemukeru; konye mam Eong kemurwokini ijo, kanuka ekonikiror iwadikaikinitai kiding naka Akakanin.'" Ianyu? Eipone ali tikepedoror!

Abu eong asesen ekesa lokalaunan lokican elosi irimirimi ngina. Mam ijo ipedori ajenun, onac, amameotor ngesi idiobore kotogoke; konye ajaatar icebore kotogo yenibusakinit nginitungan kere ko India arai nginiboisit kere kojaatar kotoma; ibore ngin nges Edeke. Ejok do eong ajaut ka ngol adepar ajaut kede ere loibus kede apesur nuinomanakinio apapulai enapitos erono, ka eipone kere loka aronis, iboro lukarokok. Ebaibuli lomojong eperi kanen neepukonorere, apapulai esukusuko kotomake.

Abu eong asesen aberu. Kosodi ngin atemar, "Kobu etunganan loka Edeke kilipak ijo, lominat."

Ogeuni ebe, Uum. Uum. Emutono. Uum."

Eong ebe, "Inyobo ebala ngesi?"

79 Ebala aberu ebe, "Mam nges ejeni. Ebala emuron ebe, 'Emunaara akekou.'" Ebala, "Eomit ngesi ebe elomunit kotoma angolol nati kanenice, ido ebe ejai ngesi aiteker ataker ido ebe eoliorit ngesi." Kosodi atemar, "Ngun kes mam eong apedori atitingikin, etunganan loka Edeke: aijen ebe elosi ikakoku atwanare, kooliorite." Kosodi aberu ngin atemar atiar, "Ajani eong ebe ipedori ijo aingarakin eong, naarai edaunit Ejakait alimokin eong kwangin."

Eong ebe, "Elipakini eong nges," kasodi eong atemar, "aticepak itangaleuni nges Ejakait."

Mam nges apodokinit ngun, akoto bon ngesi ngol anyoun kosodi alimun ebe etajari nges. Mamace, arai abeit nges alosit kwape kwangin, aso, acepak; bon ebe ketajaritai nges! Oo, korai oni apedorete adolokin toma ojautene ngol! Ere ngol Lomam Edaun kangina, ajani aberu ebe abuni ngesi aijar kangol bobo kangina.

Ebala, "Korai bon eong apup nges elimuni ebe etajarun eong."

Eong ebe, "Alurwoto kwap." Kosodi ngesi akukokin kwap. Kasodi eong aiting akekeju, ido alilim akekeje teni teni ido iminaete. Ido mam eong apedori airiun aimukes najai kujukec, ibilangiti yenididi yenemukoritor aberu ngin nges kangina; ido konapite epale lourien, ijani ijo.

80 Ido kwangin abu ngesi...Ido ajani ngesi airi ebilangiti ngol kau koipone kangol, koomite ebe ajani ngesi tomake. Abu ngesi kiriu ngol, ido koomite ebe ajani ngesi airi aingol naikwangere. Abu ngesu kinyikok einer ebe, "Emutono noi. Uum. Uum. Emutono." Aso abu do aberu kotam ainerakin kanges; kosodi ngesi ainyikokin einer ebe, "Emutono ido kolilim," kojai airi.

Kasodi eong-eong angoliar aberu mot, kosodi ngin akukokin kwap ngina, kasodi eong atemar, "Ija, ijo ipedori aingarenikin kotoma ailip?"

Ebala ebe, "Eebo, ipa."

Ngin bon, keong, ka esapat, ka Emoyo Lokalaunan kotoma agoola, odaun. Abu nakalaunan ngin namojongit kilip. Ikatunga! Nakenerakinotor ngesi kede Ngol, ijeni ijo enerakina ngesi ka Ngol sek ber. Eebo, ipa! Ajeni ngesi loeneratar. Abu kotema atiar, "Ejakait mam eong ajeni nuilosu Ijo aswam," ebalala ebe, "konye nginibore kere koipone kalo ibalar Ijo."

81 Oo, ikatunga! Oo! Eyalama eong noi, eyalama eong ebe eroko Ngesi erai Yesu ngopengol loajai kau ngin kede lukalaunak ngul kokau kotoma kangina. Eroko Ngesi erai Yesu ngopengol lolo.

Ido mam eong abu kengit nges nuikamunitos ediini, arai ngesi arai naka Baptist, Pentekosit, arai inyo. Mam nginarai akaswam. Ajai bon eong-eong atupit Emoyo Lokalaunan, ido ajai aberu ngin da aswam ibore ngipengin. Ikoto isio aanyun nualosi Ngesi aswam.

Aso apotu isio akukokinos kwap, kosodi ngin ageun ailip. Kengetaki ailip, abu konyou aibwo kosodi ainu akekou, ebalala, "Kisirereng Edeke ikakoku."

Kosodi atemar, "Ijo ilipi, etunganan loka Edeke?"

Kasodi eong atemar, "Eebo, toto." Ido kotoma apak kangin arai nepetai isawan iarei ka atutubet, aticepak adakikan atomon ka lukany alomar isawan iuni, ido ajai eong toma...amairon aarei anyoun aiboisit, ido-ido kobeite edege anyoun esawa ediopet; ido mam eong ajeni esawa loabeitor eong alomar kinga.

82 Aso abu eong edokok akakanin kuju akejeke, eong ebe, "Papa lokotoma Akuj, mam eong amisikinit nu. Ido Ijo...Abeit eong adumun edege apak kau, aapikin esawa ediopet kau. Abu Ijo inyikok einer ebe, "Kolot ido yen bon nges ibore yenadum eong ber. Ido abala ngesi ebe Ijo...aanyunit ngesi eong abunit. Arai abu ngol-arai abu ngol korai Ijo, Ejakait, mam do eong ajeni nuebeit aswam konye bon aidokokin akakanin neejai esapat."

Kotema ngesi atiar, "Oo, toto," Ebalala, "Ejai adolokin kuare kane kwana." Ido nepetai adakikan akany anyoun isawan ngul, eboie ngesi kosiep loka etada, kotunite totoke.

Abu eong acedar kinga, akerit kwap ngina kasodi adumun emotoka loenapanari itunga kasodi akerit ooteri alemun akaapoka. Kasodi aomit eong ebe abuni ti eong alosit ngina kasodi aidar, aticepak ebuni ayangaikin aidar apaaran arai aarei kotoma apakio kangun. Ijeni ijo eipone loationor akaulo naka ejie kangol kangin adumun edege, aso aomit do eong ebe, "Ejaun eong aidar apaarasias aarei."

Kasodi eong alomar omotoka kasodi akerit ngina, oisawe loka edegei. Kwape kadolio eong ngina, kotemarete ebe, "Edege enaaba 196 kanuka Louisville, Kentucky, kwana ejai anyoun." Abu Edeke kitobwou edege ngol kokwap kanuka, koipone kangol. Oo, eyuunit eong ngin!

83 Nepetai ikar iarei anyoun kanen, alosi eong kotoma agaali, alosi laiye Arizona, neejai Onac Sharrif, kangina atukonokin. Aso abeit eong aitoror Onac Moore ka ngul. Aso nealosio eong ngina, abu eong abwou kangina ko Memphis. Kosodi airiar toma arai ijenete yesi kere eipone lokiriaror toma kolosi to koipone kalo, kosodi abongun kau alomar kinga kosodi aibelokin kosodi agwetar.

Ido imugaatin ngul kotoma agaali, ekotoi nepetai apesan akaisakanykape aturosit naka ngun. Ido apedori eong agwela ngun kanuka apesan tomon, atomon ka lukany. Ijeni ijo, kokinga kanenice. Kasodi eong aidar kiton neabwouna agaali, kanu adumun imugaatin. Alosi eong agwelun e... epuko ileleba loka imugaatin luiwowaatai, kasodi ajaun kede eyubili kangina. Aso abu eong asomun kinga kasodi akerit kwap toma ngina katipet noi, kanu adumun abwoet naka imugaatin luiwowaatai; angolongoloi, abeit ngin aibwo kanen adaun nepetai idakikan akaisauni.

84 Ido kwangin abu eong-eong ageu amoun imugaatin luiwaowaatai, kasodi eong apupun icetungaann ebalala ebe, "Biai bo, ijo, etunganan loka Edeke!" Kasodi eong angolongol, akopiira narengan, ebwoi kangina iriamanagini akekonye, ijeni ijo, ebalala, "Mam ijo ijeni eong, biai ijeni ijo?"

"Mam kerek ijo icamunit ebe ejeni eong, okoku."

Kobua lailo, ebalala, "Kosesen eong ejok!"

Kasodi eong atemar, "Eebo?" Eong ebe, "Mam eong aomit bala ajeni eong ijo."

Ebalala ebe, "Ajani eong ijo!" Ebalala, "Ijo etunganan loka Edeke Branham!"

Kasodi eong atemar atiar, "Eebo, edolit ngin." Eong ebe, "Ijo ijaunar adiopet kotoma atukonokinetaka?"

Ebalala ebe, "Mam, ipa!" Ebalala, "Iitunit ijo atupuruc ngin abu ijo kobu togo ido ajai totoka ke-...?"

"Oo!" Eong ebe, "Mam erai ijo ngesi ngol!"

Ebala, "Eebo, eong lo! Eebo, eong lo! Ebala ebe, "Etunganan loka Edeke," ebala, "Angaleu eong, asipo, ido ejok. Ido mere ngun bon, arai Ekristayot kwana!"

Kituritete Ejakait! Oo!

Atukokina kesi agoola nakokuju,
Kere kilipete Kokirorike,
Aponi kes kibatisai ka Emoyo Lokalaunan,
Kosodi apedor naka aijaanakin abunore
Kwana nuabu Ngesi kiswamaik ngul kapak kangin
Iswamaikini Ngesi ijo da ngupengun, (Biai mam ijo iyalama?)
Eyalama eong noi ebe apedori eong alimun ebe arai eong idiopet kakesi.
Idiopet kakesi, arai eong idiopet kakesi,
Eyalama eong noi ebe apedori eong alimun ebe arai eong idiopet kakesi, Aleluia!
Idiopet kakesi, arai idiopet kakesi,
Eyalama eong ebe apedori eong alimun ebe arai eong idiopet kakesi.

85 Emameotor kesi asioman naepol ka iboro:

Aso epedorete itunga lu koma esiomitos,
Arai epoget kanuka ajenara naka akwap,
Adumutu kesi kere Pentekositikec
Ibatisatain Kokiror loka Yesu;
Ido kwana ejaas alimonokin, luelwaka ka luisiarakina,
Ebe eroko Akepedor ikoni nepenen,
Eyalama eong noi ebe apedori eong alimun ebe arai eong idiopet kakesi.
Idiopet kakesi, arai eong idiopet kakesi,
Eyalama eong noi ebe apedori eong alimun ebe arai eong idiopet kakesi, Aleluia!
Idiopet kakesi, arai idiopet kakesi,
Eyalama eong ebe apedori eong alimun ebe arai eong idiopet kakesi.
Kobua, onaceka, komou arereng na
Naebuni aitesegaar ekonitau kama ejai adiakar,
Abuni agwetakin ikide luka aiyalama ageun aruo
Ido ebuni aidarit ekonitau kogirani;
Oo, enoke kwana kotoma otauka,
Oo, aibuses kojai neejai Ekekiror,
Eyalama eong noi ebe a...

Kwana eyoganakinos kede icetunganan yenejai ngarenekon, kau, ka arimor kere:

Idiopet kakesi, arai eong idiopet kakesi,
Eyalama eong noi ebe apedori eong alimun ebe arai eong idiopet kakesi, Aleluia!
Idiopet kakesi, arai idiopet kakesi,
Eyalama eong ebe apedori eong alimun ebe arai eong idiopet kakesi.
Idiopet kakesi, idiopet kakesi,
Eyalama eong noi...?...
...idiopet kakesi,
Eyalama eong noi ebe apedori eong alimun ebe arai eong idiopet kakesi.
Idiopet kakesi, arai eong idiopet kakesi,
Eyalama eong noi ebe apedori eong alimun ebe arai eong idiopet kakesi, Aleluia!
Idiopet kakesi, arai idiopet kakesi,
Eyalama eong ebe apedori eong alimun ebe arai eong idiopet kakesi.

86 Inyobo ediini lomojong? Abu kogeun kokau kane, kosodi aii erot kere anatar kede Aokot nuka Yesu Kristo. Oo, ikatunga! Oo, eipone loeyalamar eong kanuka Eijiri! Oo! Oo, eebo, ipa!

Eitunenei kede aokot, eebo eitunenei kede aokot,
Emoyo lo Lokalaun eitunenei kede aokot,
Aokoto nuka ikiyakia (lukalaunak luaponi koarai, anatar kere), luapotu kotwakata
kanuka Abeit,

Emoyo Lokalaunan eitunenei kede aokot.

Kwana, eipone bo ali loka Eijiri Ngol? Kwape abu kogeunor ko Pentekosit, itei ijo.

Losodit atwanare kanuka ainapeta kanu nuka Emoyo Lokalaunan,
Arai Yokana Ekebatsan (Itei ijo, abu ngesi kodum, akoik naka totoke, ijeni ijo)...abu
kotwana kwape etunganan;
Kotupakini do Ejakait Yesu, aponi kibubwoi Ngesi,
Alimonokini Ngesi ebe abuni Emoyo Lokalaunan aitajar itunga kama ejai adiakar.
Abu kinyikok aitunun kede aokot, eebo, aitunun kede aokot,
Eijiri loka Emoyo Lokalaunan eitunenei kede aokot,

Aokot naka ikiyakia luapotu kotwakata kanuka Abeit,
Eijiri lo loka Emoyo Lokalaunan eitununei kede aokot.

- 87 Mam ijo ipedori ataraun Ngol erionget! Haa-ah!
Ajai Petero ka Paul, ka Yokana lokalaunan,
Apotu koinakis ajarakec tetere Eijiri lo ailiaca;
Apotu kinyalata akeceokot, kede inabin lumojong,
Aso apedorio alimonokin Akirok naka Edeke kamunoonut.
Abu kinyikok aiit kede aokot, eebo, aitununei kede aokot,
Eijiri loka Emoyo Lokalaunan eitununei kede aokot,
Aokot naka ikiyakia luapotu kotwakata kanuka Abeit,
Eijiri lo loka Emoyo Lokalaunan eitununei kede aokot.
Ajaas imoyon kwap naka etem, kiworoete, "Kiton iwori?"
Kanu Edeke aitisilaar ngul lueswamata nukaronok;
Konye elosete ajaun ice luepote ainakin aokoto nuka ajarakec
Kanuka Eijiri kalo loka Emoyo Lokalaunan ka akekalele narengan.

Inyikokinit aiitunun kede aokot, eebo, eitununenei kede aokot,
Eijiri lo loka Emoyo Lokalaunan eitununei kede aokot,
Aokot naka ikiyakia luapotu kotwakata kanuka Abeit,
Eijiri lo loka Emoyo Lokalaunan eitununei kede aokot.

- 88 Kwana, anyoun apak naka Pentekosit, ka lukalaunak luaponi koarai luka Opentekosit, kalaije kotoma okanisa loka Epeso, cut kwape kiton Perugamo, abunoro kwap kiton Suatira, kiton toma-kiton Sarudio, kotoma Epeso...arai Piladelupia, ido abunore kwap kiton toma Laodikia. Ido kwana nuijaatar oni... nueswamaunos kokwap kane? Kwape kabalar Ebaibuli, nginibore kere alomu toma, ido abuni etiang lo anyoun ko United States.

Kiitunitos yesi aitapoet naponi kosiomai kane, kokaru 1933? Ajai eong alosit...Mam ber ekanisa adukitai da. Mam eong ajeni nuerai aitapoet, anyarai eong ngin ebe "aikamar kotoma aitapet." Arai eong ikalimonokinan yenididi ko Baptist, ido irai oni...

Ajaraka kere aseseni eong aitapoeta, ido abuni eong ailip idiotunganan anyoun kosodi alimun adiopet kotoma kakesi naibiroror. Mam, mam cut ibiroror! Mam epedori! Ianyu? Mam ebuni!

- 89 Ido kwana, ido kwape abu eong ageunia aisia naka Naesabiiti abu eong aloma toma aikamar kotoma aitapoet. Kipou oni ajaunos kede ngin kalailo kotogo lomojong loka ore, kaiboisit naka Charlie Kern, itukosiwok yenididi. Kasodi eong aanyun Ekapolon loka akwap lo Roosevelt ingarenikini akwap neejai ejie loka akwap kere. Adwarunitai! Abala eong ebe, "Ido ejaas akiro auni: luka Nazi, ka Fascism, ka Communism." Abu eong etema ebe...(Imwaasi bo ai kotoma kane iitunitos?) Eong ebe, "Kidetak akonikonye neejai Communism, ebuni aitenar kere ngina." Eong ebe, "Ethiopia, ebuni Mussolini alosit Ethiopia, konye ebuni akurwokin nges." Kasodi eong atemar, "Ibuni oni awasia alomar toma ojie kede Germany, konye" eong ebe "ebunio Germany agolokin toma, toma atukos nakapolon nati naka esimit." Ikar itomon ka ludiopet eroko eduko arwatat nako Maginot, ikar itomon ka ludiopet.

- 90 Eong ebe, "Kosodi do akaulo naka ejie...Ibuni oni angetakin aitelekaar. Ido kengetakin ejie, ebuni aitodolikin ebe ebuni science aitolomunun iboro lukapolok." Kasodi eong atemar, "Kiswamata kesi ngun, epote aiswamaun emotoka, ido epote imotokan ainyikokin ajeun." (Ijenete yesi eipone loaputotor kokaru 1933.) Kwana, do, abala eong ebe, "Epote araun bala kwape abee, koputos bala abee. Naarai abu eong aanyunite erot lokalalan, erot lokaumokin lokapolon loelal, emotoka elosi kotoma orot komamei aijeret adio kotomake. Arai loetetenitai kede apedor." Ejaatar kesi ngol kwape kwana.

Eong ebe, "Kotoma apak kangin...Kwana acamakisi angor aicak aseeta; ido angor, kotoma aicak aseeta, epote awasiake..." Eong ebe, "Akwap na erai akwap naka aberu, erai naejaatar aanyunet nakaberu. Erai aberu anatar adwaranut kere, nginiboisit kere; ido enaaba lokitomonet ka luuni kanginiboisit kere kotoma adwaranut." Kasodi eong atemar, "Erai akwap naka aberu, ejaatar ngin akepedorosio kane. Ido amudia aberu ngin, erai ngesi amudiaro naka akwap."

- 91 (Ido, Roy, kijaar eong ibuluan kotoma ngun, aberu ngin nakapoloon nabu... "Kanginimusaago loka adiakar...oni...Abu eong angic ngin cut kwana kiton: kanginimusaago loka adiakar loiswamatere ko United States, ajai aberu kauke." Edolit ngin cut becebec. Angor nuemunaara iponesio, itei ijo, ka iboro.)

Kwana, aso do abu eong atema, "Abuni ajaun kotoma apak kangin, kotoma apak kangin epote angor acamakinio aicak aseeta, ido epote aseun etunganan lokaronon." Apotu kiswamata ngun kotoma aseon kana natubor. Edolit ngin becebec. "Naebuni aitegear aicatunet. Kotoma apak kangin ebuni aitodolikin ebe-ebe ebuni aberu anyoun nakapolon ko United States, ebuni ngin anapit neibus," ido kijaar eong kotoma akiro aarei: "(aticepak ekanisa loka Atulik)." Ianyu? "Loebuni ayangar ayait naka apedor, aipikor luce ko United States. Ebuni ngesi araut naibus asesin, konye ebuni araut naerono etau kwape

kepedoria.”

92 Eong ebe, “Kasodi eong asesen bobo, kasodi eong aanyun United States aduor aiweliwelaar. Amamei bobo ibore yenedeikina.”

Ido abu eong adwarite kapakio kangun. “Kwana na, arai ngin EBALA EJAKAIT KWANATA.”

Ido aomit eong! Kotoma akany nuka adwaranuto kangun akanykaarei, adautu aiswamaun.

Ekanisa adumun aicatumet, ekanisa loka Atulik. Ka abunore naka apak nakawasia.

Kasodi eong atemar, “Abu eong aany, ibore yenasubit bala ajaas atoromin nuka ikito enokiete; irongan, aduonoros; ido United States kere asubit bala alapat, koperi koipone kangol, kwape kapedoritor eong asesen neabwoio eong.”

Kasodi eong atemar atiar, “Adwari eong kotupitete eipone loelosio apak, abuni araut apakace kiding ekaru lo 1933 ka 1977.” Ido ebuni aradakin cut erono noi kanu adolore ngina.

Ido iboie oni kokuju naka ibore yenepedori aduor, ipapero. Nginibore kere ekapakina.

93 Oo, konye Papawok loketiai lokotoma Akuj loabu kisumunik, loabu kisumunik! Mam kereka eumokina araut ebulesit loka Kristo? Iboro kere luesumunikit Ngesi! Ido koomoom ber ijo; kijaar oni arereng. Ejari Ngesi kanepokane. Ngesi cut kaoni kwana, ejeni nginiyeiyea kere naka etau, ido ejeni nuikamunitos ijo; akimian ngun nuelikanete kotoma otauonowok, ejeni nuikamunitos oni, emina oni.

Ido biai mam kereka yesi iyalamasi ajaut toma otukos ngin yenididi, atibong na, yenericit Aiyuun? Naarai arai aicorakineteKe, “Sirikurianar isipan yenididi, naarai isialamikit Papakus ainakin yes Akabakanut. Ido korai mam aswam na aituriano, amamei ti akuan naitajario.” Itei ijo, ijai cut toma awasia naka apak.

94 Ejaas luka Pentekosit alilimor, ajalamar, alekar kinga naka aituk naka Edeke.

Itukos yenididi nges abu kolom kinga kane, idis bon, konye kotoma ngul nges elomuna: “Koany Eteran ebunit!” Ido iswamai, nginidiopet kotoma akwenyuneta kanu, nginikwenyunet naka akwenyuneta kanu, ai

...Kiitu, ejaas akwenyuneta akanykaarei kakesi. Ido ijai oni cut toma akwenyunet na nakawasia. Konye nginidiopet kotoma abekono kanu kokau kotoma kane abu kojar. Amen! Oo, arai bo ngin inyo? Emoyo ngopengol Lokalaunan.

Ido nakelomaria ekanisa toma...Bala kwape apotu oni aanyuniata akuar naka Naesabiiti, Yosep itejenaar neejai Isirael ikenacan, abu ngesi kotwar aketeran, nginibore kere, kosodi ainyakar kes ore loka ekabaka. Kosodi ngesi aibwo bon kede Iyudayan, kosodi atemar kes atiar, “Arai eong Yosep, onacekus.”

Kibwaik ngin cut kaNaiwadikaere neapotu kotemariata ebe apote asipokin apaaran naka eibworo, kosodi ngolitogo aibworo bonik.

Apotu kotemas nges atiar, “Aibo idumakini Ijo amusungun ngun?”

Ebala “Akanin nuka...”

“Akaninikus?”

Ebala, “Togo loka ipaperoka.”

“Ngul luecumete Nges epote asesen Nges.” Ido ebwoi Ngesi kanen, kwape Yosep.

Kotema atiar, “Mam...” Kwape abu Yosep kotemara, “Mam inyunurikinos kanukus, naarai abu Edeke iswama ngun kanu ayuar aijar.” Inyo? Aijar naka Ekanisa, Emoit, “Kanuka Ekekiror, itunga kotoma Omo.”

95 Oo, ijai oni awasia, ikanacan. Ijai oni ne! Kisirerengitete Ekiror loka Ejakait! Awooto ber oni ekosio lo lokajokan lomojong, kwape inacan ka anacan nuka Opentekosit, nepepe. Kwana, ibala ijo ebe, “Ijeni ijo, arai eong lo Baptist.” Konye arai idumunit ijo Arereng nako Pentekosit, irai ijo loka Pentekosit. Uh-hum. Eebo. Ejok:

Kisirerengitete auno naeenit
Itaunowok kotoma amin naka Ekristayone;
Eidicane loka aomisio nuka eincane
Esubit kwape kangin nakokuju.

Kwana kopupokis, ipapero. Arai ejai idio ne akidingosiwok, ebe arai kadioboisit kotoma alosit naka aijar, arai abunitor adwaris ngin toma otauon, (Kopupok eong!) kolek kinga kanen kwana. Kolek ngin, mam cut icamakini idiobore..

[Kinerja inac kotoma angajep ace. Iboisit naemamei ibore katepu. Koinakini ice aisiraret-Ekewa.]

Amen.

[Kinerja onac kotoma angajep ace kosodi aijulun-Ekewa.]

Amen. Amen.

96 Ejakait Yesu, isialamikit isio Ijo kanuka aisiranareta kanu. Itwamanunete isio, Ejakait mam isio apou apalutu konye kipou aricata aiyuun. Oo, elipit eong, Edeke, ebe inyikokini Emoyo aiboi kotoma okanisa. Aidarit isio die naka idiopet kayenice, Papa. Aidarit isio ajaas kajo. Ka alosit akidingosikosi, Ejakait, kotoma atur naka nakatala nakawasia najari isio kotoma. Koraun Aicakosi. Kocaikinai mamakosi, apakio nukapolok nukamuton, Ejakait, naarai kimisiik ebe isio ineras atala ka aacerit nuka "amuton." Ido Ejakait, iyalama isio ebe irai isio idwe luka Aica, luilosi kotoma Aica naka Edeke. Mam isio kienikina toma akwap kede iboro lu luka akwap, konye irai isio ikonidwe. Eipone lokisialamkitor isio Ijo kanuka iboro kalu.

Isiyamikinit isio Ijo kanu aijukakin isio aisiranareta nu kwape aitogogonget naka Akirotokon. Koyongitete duc Ijo kakidingosikosi, Papa. Kidarai isio kama ejai adwaris kere naka akwap. Kidarite isio ketalauna, tetere ajarakosi erai naipiororoi ido itesegaara ido kolai kakonyeneKon. Kiswamata Aokot nu nuka Yesu Kristo kanuka nginidiopet kamakosi, Ejakait. Kolema kakidingosikosi, arai ejai idiobore kere yenimam edoilit. Kolema kotomakosi, Ejakait. Erai lo esawa loka apak naka angicanakin.

Airiamununeta nu epeleikinitai kanuka alosikinet kangin aingic itauonokosi. Abu Ijo kobala ebe apelonoreta ngun nuka akim nuka akonyeKon, "ingicit ido ijeni da ingeretenya luka etau." Abeit cut iswamai ijo ngun, Papa. Ido ibongonokini isio ido kolimonokini isio ai...aidarakina akapakina ebe ejai esawa adulun.

97 Oo, eipone lokisialamikitor isio Ijo, Papa. Ibuni aswam ngun kede kere nuejaas tomakosi kanuma asianutuKon. Amen.

Oo, mam ijo imina Nges? Kwana, arai ejai ipejonon akidingosiwok, koipone kangol nges ajaar kageunet. Neajaar Yesu ne toma akwap, abala Ngesi, abu icetunganan kingit Nges nuikamunitos edukone kede elakit arai icebore, ebalu ebe, "Mam arai kwangin kageunet." Ebeit abongor ageunet.

Akepolou arai abu ageunet korai ekanisa lo Pentekosit ido korai Ngesi Emusabibu, irai oni atenun, kanginipak naitolomuna Emusabibu ekanisa, ebuni araut ekanisa loka Pentekosit, atenu naka Pentekosit; ibore ngipengin yenarai kageunet (Ianyu?), nginipak. Kwana, mam ijo ipedori aropikin imusabibun ice tomake ido ibuni aira akeraito. Ipedori ijo alemun e-ekitai loka emucuga kosodi aropikin enemu kujuke, ebuni aira enimu kojalakini ajar naka emucuga. Aibwaikin araito naka grapes kosiepike, ido ebuni aira araito naka grape naarai erai araito naimucugaikit.

98 Aso iriongeta lu, idiinin ka iboro, isigakina kokinga kangina, konyaritete ebe Ikristayon, epedorete kesi ajar kede ajarakec Nakristayot. Edolit ngin, konye eraete araito naka ediini. Edolit ngin. Naarai isigakina kesi kinga koipone kangol. Konye arai kelomu atenu ngin alopel...arai ebe arai kitolomu Emusabibu ngol atenu, ebuni araut...Ebuni aiwadik Eitabo loka Aswamisio kokauke. Edolit ngin cut bec. Naarai kes apotu kiswamaunos irwan nasodit. Kanginitenu naitolomuni ngesi elopet ebuni aira emucuga, nginidiopet. Ido inerit Ebaibuli; ajaatar atenun atomon ka luaarei kotomake.

Oo, Eyalama eong noi kanu ajar kokwap naka atenu kangin, biai mam ijo? Eebo, ipa. Oo, eumokina noi.

Eebo, kiitunito akuar naka moi kwana kotoma atur naka Pila-...naka Sarudio. E...?...alomun kotoma atur naka erionget loka Lutheran, Martin Luther...?...



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7